

DONGOSOLO LA MPINGO

🦋 Apa, kasi iwe ukuying'anamura uli—kuying'anamura iyi?
Inya, u-nhu...?...[Pa tepi palije kalikose—Munozgi.] Iwe ukunozgeke kujara izi. Ntheura, para, ine ndikuntchirenge mutu wane kwa iwe, ngati *ntheura*. Ukuwona? Ukuwona? Wane, kukuntchira mutu wane kwa iwe. Iwe...[Munyakhe wakuti, "Kasi iwe ukukhumba kuti ine ndichite ichi nyengo uli?" Munyakhe wakuti, "Iyo wanguti, 'Jura iyi.'"]

Ŵabale, ise tacheseska ungoro unu pamoza kuno usikuuno pa chakulinga chakuti timanye umo tingayendeskeru Mpingo wa Chiuta wamoyo, cheneicho, ise tikugomezga tiri gawo la Mpingo unu.

2 Ine nkhukhumba kuti, chinthu chakudanga, ine nkhukhumba kuti ndiyowoye kuti mu maulendo ghane kuzungulira charu, umo ine nkhumanyira, agha ndi ghamoza gha malo ghauzimu chomene uko iwe ukuwupulika Mzimu wa Chiuta kuruska malo ghanyakhe agho ine nkhumanya. Ine nkhaŵa na malo ghanyakheso ghaŵiri mu malingaliro agho kale ghakaŵa ntheura, kweni kufika ku sono ise—ise ntha tikuwona kuti tikughawona malo agho; ghamoza gha igho ghali kuyamba bungwe, ndipo ghanyakhe ghali—ghakuŵa ngati ghali kuwa.

3 Ntheura ine nkchachemeka mayiro ndipo nkha—nkchaphalirika ine kuti imwe mose mukakhumbanga ungoro kuti mundifumbe ine mafumbo agha kukhwaskana na zintchito zinu mu mpingo unu, ndipo ine... icho ndicho ine ndiliri kuno usikuuno, chakuti...na kuti—kuti tikhazikiske mpingo, panji kuti ndipereke kwa imwe vinthu ivyo ine nkchughanaghana kuti—kuti ndivyo ndi vyakuzirwa kuti vipange mpingo unu kuti ulutirire.

4 Ŵabale, ine ndiri na chigomezgo kuti imwe mukumanya icho, umo ine ndayowoyera ndemanga iyi za agha pakuŵa malo ghauzimu. Ntha ndi malo ghakuru chomene mu charu, ndipo ntha ndi uko ise tiri na kwimba kuweme chomene, kuchemerezga kukuru chomene, na kukokomokanga kukuru chomene, panji kuyowoyanga malilime chomene, na vinthu, ntha ndicho ichi, kweni ndi mlingo wa Mzimu uwo ukuteŵeta muno mu kachisi uyu. Ndipo, kufika apa, ine nkhukhumba kuti ndimurumbe na kumuwonga M'bale Neville, na—na imwe ŵabale muno, mathrastii, na madikoni, na mulara wa Sande sukulu, na mose, pa—pa icho imwe mwachita pa kovwira kusungirira ichi munthowa iyi. Ili lakhala likuŵa lurombo lane nyengo yitali, na chilakolako kufuma ndiri munyamata, kuti ndiwone mpingo ukukhazikiskika mu dongosolo na kusungiririka mu dongosolo.

⁵ Sono, para ise tikati talipatulira tchalitchi, ine nkhamuphalirani imwe, “Pakati pajumpha kanyengo ine nkhaŵa na chinyakhe chakuti ndiyowoye kwa imwe za,” umo tingakhazikiskira chinthu ichi mu dongosolo, umo ichi chingayendeskekeranga. Ndipo imwe mukayambapo... tikati tafumako kuno, ise tikaŵa na ŵapharazgi na ŵanyakhe ntheura. Kweni sono, M’bale Neville pakuŵa waka mwanichi pakati pithu, wafika pakati pithu, ine nangughanaghana ichi chiŵenge chiwemiko kwa M’bale Neville kuti wakhazikike makora mu Chipulikano pambere ine nindayowoye vinthu vyantheura apo ine ndiri pafupi kuchita sono. Kweni sono, pamanyuma pakuti ine ndasanga kuti iyo wakukhazikika makora mu Chipulikano, ndipo wakupulikiska kasi Chisambizgo ntchichi, ndipo—ndipo wali kuchita gawo la kaboni wakugomezgeka kwa Khristu na kukoreska ku icho ise tikugomezga kuŵa Unenesko, ine nkughanaghana kuti ili ndi ora sono, yingamanya kuŵa nyengo yiweme, kuti timufumbe iyo mu... na pakati pa imwe ŵalara na vinthu pano vya tchalitchi, kuti imwe mutorengi malangizo agha na kughakumbukira igho, igho ngaweme chomene mu kumanya kwane panthazi pa Chiuta. Ndipo ntheura ine nkukhazga kwa imwe kuti muchitenge vinthu ivi umo ine nkhuviyowoyera ivyo, chifukwa munyakhe wakwenera kuŵa mrongozgi kudera kuno. Imwe mukwenera kuti muŵe...

⁶ Sono, ine nthā nkhuvezga kuphangira mazaza panji chinyakhe ngati icho, kweni, imwe wonani, mwanarumi panji chirichose cha mitu yiŵiri ku ichi, ichi—ichi nthā chikumanya umo chingayendera. Chiuta nthā wakaŵa na mitu yiŵiri ku Mpingo Wakhe, Iyo nthā wakachita, ichi ndi mutu umoza. Iyo nyengozose wakachita mu muwiro uliwose nga ndiumo ise tiri kusambirira mu Malemba, nyengozose pali munthu yumoza mweneuyo Iyo wakumugwiriska ntchito. Chifukwa imwe mutore ŵanthu ŵaŵiri, imwe muli na malingaliro ghaŵiri. Ndipo ichi chikwenera kuti chifike ku chigoti chimoza chaumaliro, ndipo chigoti chane ndi Mazgu, Baibolo. Ndipo ngati mliska pano pa mpingo, chigoti chane ndi Mazgu, ndipo ine nkukhumba... Ine nkhumumanyani imwe, ŵabale ŵane, imwe mukuŵa ngati mukulaŵiska kwa ine kuŵa chigoti winu ku icho... malinga ine nkurondezga Chiuta nga ndiumo Paulos wakayowoyera mu Malemba, “Imwe mundirondezge ine, umo ine nkhumurondezgera Khristu.”

⁷ Ndipo ntheura ine ndigomezgenge imwe ŵabale, pa nyengo yiriyose kuti imwe mwandiwona ine nkufumako ku Lemba ili, kuti mwize kwa ine kuudesi na kundiphalira ine apo ine ndanangiska. Ine nkupwerera chara usange iwe ndiwe yumoza wa mathrastii panji... panji usange iwe ndiwe wakupwererera pamalo, chirichose iwe uli, iwe uli na ntchito pa ine, ngati m’bale mwa Khristu, kuti undiphalire ine para ine ndanangiska

m'malemba. Usange pali fumbo, tiyeni tikhale pasi ndipo tinozge ichi, pamoza.

⁸ Ndipo icho ndicho chifukwa imwe mwafika, ine nkhusachizga, kwa ine usikuuno, mwandichemeskera ine kuno, ndi chifukwa chakuti pali mafumbo apa agho ghakuwoneka kuti ghakumukweŵeskani imwe mu malingaliro ghinu pa vinthu ivyo ine ndiri—ndiri navyo apa. Sono kumbukirani, ŵabale, ine nkhumanya chara. . . palije mazina ghalembeka pa kalikose ka tumapepara utu, kweni. . . ndipo agha ghalembeka, ndipo ine nthā. . . nkhumanya chara uyo wakalemba agha, kweni igho ndi mafumbo agho ghali mu malingaliro ghinu, ndipo ine ndiri kuno kuti ndizgore igho mukumanya kwane kose.

⁹ Ndipo kumbukirani, Chiuta wakulaŵiska kwa ine kuti wawone kuti ine nkikhala mu Mazgu. Ndipo ine nkhulaŵiska kwa imwe kuti ndiwone kuti imwe mukuchita Mazgu, wonani, wonani, mu mpingo uwu. Ndipo sungirirani uwu wauzimu, pakuti, kumbukirani, nkhangono zose za—za ufumu wa mdima wa Satana uzakumuwukirani imwe apo imwe mukuyamba kukura mwa Fumu. Ndipo imwe mukwenera kuŵa ŵasirikali, nthā ŵakulembeka waka sono. Imwe ndimwe ŵasirikali ŵalara sono, ndipo muli kusambizgika kurwa. Ndipo Satana wafikenge pakati pinu, kumupangiskani imwe kuti mukangane yumoza na munyakhe usange iyo wangachita. Mukaneni iyo nkhanira mwaluŵiro; imwe ndimwe ŵabale; ndipo ichi ndi chirwani. Ndipo ise tiri muno kuti tikwezge ndembera mu nyengo iyi ya Kuŵara kwa kumise, kuti, apo charu chiri mu mdima ndipo ufumu wose wa mpingo ukunjira mu Mphara ya Mpingo. Ndipo nkhanira mwasonosono iwo ŵazamkuyezga kumatikapo chimanyikwiro pa muryango apa, “Tajara!” Ndipo nthaura ise tikwenera kuti tikakumane ku malo ghanyakhe, chifukwa nadi iwo ŵazamkujara matchalitchi agha limoza la mazuŵa agha usange ise nthā tikuzomerezga lusimbo lwa chikoko. Ndipo ise tikugomezga pa kukhala ŵaneneska kwa Chiuta mpaka nyifwa yitimasure ise, ndipo icho ndicho ise tikukhumba kuti tichite.

¹⁰ Sono kurunjika ku. . . Ndipo ine ndifumbenge, kuti usange yizamkuŵako nyengo yakuti chinyakhe cha vinthu ivi chingazakakhumbikwa, kuti tepi iyi mphanyi yazakalizgika panthazi pa mamembara gha mpingo uwu, wonani, pa maungano ghinu, panji para ungano uli kufupi, pambere ungano undayambike waka. Jurani tepi iyi ndipo yipulikizgani iyi! Ndipo nkhuromba gulu kuno lipulikiske kuti ŵanthu aŵa mbakukakamizgika kwa Chiuta, ngati chirapo chawo mu mpingo uwu, kuti ŵawovwire kukoreska fundo izi. Imwe panji mungasuskana nazo izi; ndipo usange ine ningamuzomerezgani imwe muwuyendeske uwu, nthaura ine ndisuskanenge namwe imwe. Ise tikwenera kuŵa nako kunyakhe uko kukwenera kuŵa chafikapo nkhanira. Ndipo chiweme chomene icho ine nkhumanya, ine nkhubereka ichi mwakurongozgeka na Mzimu

Mutuŵa, kumupanga Iyo kuŵa Wakufikapo wane. Ndipo zomerezgani tepi iyi yiŵe chakufikapo chinu pa mafumbo agha.

Sono, limoza lakudanga ndakuti:

Kasi mpingo uchitenge uli ku pempho la wovwiri wa ndalama wa...ku vyakurya na vyakuvwara? Kasi—kasi uchitechi, kasi—kasi mpingo ukwenera kuchita vichi?

¹¹ Sono ise tikumanya kuti mpingo uli na ntchito pa ŵakhe ŵekha, pa mamembara ghithu pano gha mpingo, ise tiri na ntchito yose malinga ise tiri navyo vyakusoweke ivyo ise tikwenera kuti tivwirepo. Ise tiri na ntchito pa ŵithu ŵekha, ndiko kuti, ŵakuhazikika, mamembara ghakugomezgeka pa kachisi awo ŵakwiza kuno na kusopa nase. Ise tiri ŵakukakamizgika kwa iwo, ngati ŵabale ŵithu na ŵadumbu awo ŵali kusimikizgika kuti ndi mamembara ghithu gha kuwungana uku.

¹² Sono, ise tikumanya kuti kuli mamiliyoni usikuuno ŵambura chakurya, ŵambura vyakuvwara, ndipo ise tingatemwa kuti tivwire gulu lose la iwo, kuti tichite chirichose ise tingachita; kweni na ndalama ise tingachita chara icho, ise tingavwira chara charu chose. Kweni ise tiri ŵakukakamizgika pa ŵithu ŵekha. Ndipo ine nkhughanaghana, mwa icho, ndipo nthaura usange ise tiri nacho chinyakhe chakukhalako icho imwe mungakhumba kuti mupereke ku ŵanthu awo ndi mamembara chara pano pa mpingo uwu, chinyakhe icho imwe mungakhumba kuti mupereke kwa iwo, ichi chikwenera kuti chimanyikwe pakati pa gulu la madikoni.

¹³ Madikoni ndi ŵeneawo kuti—kuti ŵakwenera kuti ŵakumane na chakuchitika ichi, panji suzgo ili, mphanyiko; chifukwa chakuti mu Baibolo para mukangano ukati wachitika pa chakurya na vyakuvwara, na vinyakhe nthaura, mu Buku la Milimo, iwo ŵakafumba ŵapostole pa ichi, ndipo iwo ŵakati, “Rutani mukajipenjere mwaŵene ŵanarumi seveni ŵa lumbiri luweme, ndipo ŵakuzura na Mzimu Mutuŵa mwakuti iwo ŵangamanya kovwira pa vinthu ivi. Chifukwa ise tijiperekenge taŵene rutaruta ku Mazgu gha Chiuta na mu kuromba.”

¹⁴ Ndipo nthanda ndi ntchito ya mliska kukhazga kuti... kupenja vyakurya na vinyakhe nthaura. Icho chikwenera kuti chichitike na madikoni. Nthanda ndi mathrastii, ichi ndi ofesi ya madikoni kuti yichite ichi. Ndipo nthaura ichi chikwenera kuti... Kumbukirani mu Baibolo, iwo ŵakaperekanga ku ŵawo pera, ŵa Giriki na—na ŵa Yuda, uko kukangana kukiza kuti yumoza wakapokanga vinandiko kuruska munyakhe, kweni ŵakaŵa ŵanthu awo ŵakaguliska katundu wawo yose ndipo ŵakapereka ichi mu mpingo kuŵa chakovwirira chakhe, ndipo pamanyuma kuti—kuti vigaŵike pakati pawo mwakuyana. Ndipo kukangana kuchoko kukayambika, ndipo apo ndipo ise

tikasangira madikoni ghithu ghakudanga. Ndipo iyi ndi yimoza ya ntchito zawo, yakuti wachite icho.

¹⁵ Ine nkughanaghana kuti, ngati wuthu pera, ngati wanthu wuthu pera, ise tikwenera kuti tiwapwererere iwo. Ndipo ili likwenera kuti litumizgike, dandaulo lililose, kwa mulara wa gulu la madikoni, ndipo pamanyuma likumanepo gulu la madikoni na kuwona icho iwo wangachita za ichi. Ndipo vinthu vyose ivi vyeneivyo ndi vyakuvwara, na chakurya, na wowwiri wa ndalama, panji chirichose chiriko, chikwenera kwizira ku madikoni. Ntheura madikoni, para iwo wasankha kuti iwo wali—kuti iwo wali. . . icho iwo wachitenge za ichi, ntheura ichi pamanyuma chikwenera kuti chiperekeke kwa—msungichuma, kuti wawone usange msungichuma wangachita pa nyengo iyi kuti wapereke figara linyakhe la ndalama, panji—panji kugura vyakuvwara ivi, panji chirichose chiriko ku ichi. Kweni—gulu la madikoni likwenera kuti likumane pa icho, ndipo ichi nthu chikuruta ku mathrastii panji kwa mliska. Ichi ndi chinthu cha madikoni, pamoza.

Sono, mwantheura, fumbo lachiwiri.

Kasi ichi ntchiweme kuyowoya pakweru pa gome kuti malilime na kumasulira vikwenera kuchitika mu ungoro pambere chisopo chindayambe?

Ilo ndi fumbo lachiwiri pa kachiduswa aka ka pepala ako ine ndiri nako pano, ako ndi kakadi kachoko.

¹⁶ Sono, ichi chikhuzenge mliska kuno, wonani. Chifukwa iyo—iyo, na kwenenako, ku chigaŵa cha vyauzimu, iyo ndi mrongozgi wa icho. Madikoni ndi wapolisi mu mpingo, kuti wasungiske dongosolo na kuti wapwererere vinthu ivi, na kuryeskanga wakavu, na vinyakhe ntheura. Mathrastii mbakuwonerera chuma na nyumba; icho ndicho iwo wakwenera kuti wapwererenge. Kweni mliska wali pachanya—wakuwonerera chigaŵa cha vyauzimu, ndipo ichi chikuruta kwa iwe, M'bale Neville.

¹⁷ Sono, kula. . . nyengo yinyakhe kale para dongosolo likati lakhazikiskika, mpingo. Ine nadi nkughomezga mu kuyowoyanga malilime, na kumasulira, na vyawanangwa vyose viweme vyauzimu ivyo viri kukhozgeka na Chiuta kuti viwemo mu mpingo. Kweni ise tikukhala mu nyengo ngati ndiumo kukaŵira waka mu nyengo za Baibolo, uko mipingo. . . Sono, imwe muwonani Paulos, iyo wakasanga mpingo ku Efeso, mpingo wa Efeso, uwo ukaŵa mpingo wakukhazikika makora. Kasi imwe mukamanyanga? Ise tikugomezga kuti Paulos, ndipo wakayowoya ntheura iyoyekha, kuti iyo wakayowoya malilime ghanandi, ndipo ise tikumanya kuti iyo wakaŵa na vyawanangwa vya malilime. Ntha agho iyo wakachita kusambira, kweni igho agho ghakaperekeka kwa iyo mwauzimu, chifukwa umo iyo wakuyowoyera ichi mu Wakorinte kula. Ndipo

kuti tisunge nyengo, ine nthā nkhujuranga waka Baibolo na kuwērengeranga ichi kwa imwe, chifukwa ichi chingapanga kwithu—kukhala kwithu muno nyengo yitali chomene usikuuno, umo ine ndilijire nyengo yinandi chomene. Ndipo sono . . . kweni kuti imwe mungamanya waka kuwona pakweru.

¹⁸ Sono, Paulos nthā yikaŵapo nyengo yimoza wakayowoyapo ku mpingo wa Efeso panji ku mpingo wa Roma, panji mipingo yinyakhe yiriyose yira, za vyawanangwa vyawo vyauzimu, umo iwo wāngakhazikiskira ivi mu dongosolo. Kweni iyo nadi wakayowoya ku Ŵakorinte rutaruta za ichi, chifukwa iwo ŵakapanga ichi kuŵa nkhani nyengo yiriyose. Ndipo Paulos wakayowoya, para iyo wakati wafika pakati pawo, usange iwo ŵasanga kuti yumoza wakaŵa na lilime ndipo yumoza wakaŵa na sumu, ndipo iyo wakawonga Fumu chifukwa cha vyawanangwa vyawo vyose viweme na vinthu ngati ivyo. Ndipo usange imwe mungawona mu chipatulo chakudanga panji chachiŵiri cha Ŵakorinte, Paulos wakaŵaphaliranga iwo, kakhaliro pamalo, icho iwo ŵakaŵa mwa Khristu, umo iyo . . . iwo ŵakakhaliro pamalo mwa Khristu.

¹⁹ Ntheura para iyo wakati waŵaphalira iwo, ntheura ngati dada iyo wakayamba kukhizgira chikwapu pa iwo, na kuti, “Ine nkhopulika kuti pali mikangano pakati pinu, ndipo ine nkhopulika kuti imwe mukuroŵera pa gome la Fumu.” Iyo nthā wakaŵauskapo iwo pa chikhristu; ndipo nthā mungachitanga icho mwaŵabale, kuŵauskapo iwo pa chikhristu, kweni ndiumo iwo ŵakuchitira iwoŵekha mu nyumba ya Chiuta. Apo ndipo ichi chiri.

²⁰ Sono, ine ndiyowoye ichi, kuti umo Paulos wakale wakayowoyera, kuti, “Para imwe mukukumana pamoza, usange yumoza wayowoya, rekani munyakhe wamasulire. Usange palije wakumasulira, ntheura khalani chete. Kweni usange walipo wakumasulira . . .”

²¹ Sono, ine ndiri kuwuwona mpingo kuno, ndipo ine ndiri kumuwonani imwe mukukura, ndipo ine ndiri kuwona vyawanangwa vinandi vyauzimu vikuchichita pakati pinu. Nadi, kamoza ine nkhafika kwa M’bale Neville kuzakamufumba na Mazgu kufuma kwa Fumu, kumususka iyo pa chinyakhe icho iyo wakachitanga.

²² Ndipo usange ine . . . usange Fumu yiri . . . Mzimu Mutuŵa wali kundipanga ine mulaŵiriri wa Mskambo, ntheura ndi ntchito yane kumuphalirani imwe Unesko. Ndipo ine nkhumuwonga chomene M’bale Neville, iyo wakupulikira Unesko. Ine nkhuwoyoya waka ichi umo Iyo wakundiphilirira ine.

²³ Sono, pa ichi, umo ine ndiri kuwonera mpingo winu ukukula, ndipo nkchawona ichi. Ndipo mu mpingo, apa pali nthowa

umo ise tikaŵira nacho ichi pakudanga, ndipo iyi ndi nthowa ise—ise tikukhumba ichi chichitikirenge.

²⁴ Sono, usange imwe mukuwoneseska chara, para ŵabonda...Chinthu chakudanga icho bonda wakuchita ndi kuyezga kuyowoya penepapo iyo wangayowoya chara. Mukuwona? Iyo wakupanga vimama vinandi chomene, na chiwawa, na—na vinyakhe nthaura, kweni iyo wakughanaghana kuti iyo mbwenu waka...iyo wangayowoya kuruska mupharazgi pa nyengo yira. Inya, ise nthu tikuchisanga icho mu umoyo wakuthupi pera, kweni ise tikuchisanga icho mu umoyo wauzimu nawoso. Uyu ndi mwana *muchoko*. Ndipo usange imwe mukuyezga kumusuka mwana yura na kumukwapulapo iyo pachoko chifukwa iyo “wakusokosera” na kuyezganga kuti wayowoye, imwe mumunangenge mwana. Wonani, ndipo imwe mumupwetekenge iyo. Ndipo ntchiweme chomene kumuleka mwana yura wakureko pachoko kufikira iyo wangamanya kuyowoya mazgu ghakhe makora, ndipo nthaura muphalirani iyo *nyengo*. “Ntha para dada wakuyowoya panji mama wakuyowoya.” Kweni para ndi nyengo yakwenerera, mulekani iyo wayowoye vyakhe. Kasi imwe mukundipulikiska ine? Sono, rekani iyo wayowoye para nyengo yakhe yakwana yakuti wayowoye.

²⁵ Sono, usange ine ndiri kuŵapo nacho chinyakhe icho chikaŵa munga mu thupi lane, uko mu ungano, ichi ndi munyakhe kuyimirira para ine nkhuwoyoya ndipo pamanyuma wakupereka uthenga mu malilime na kukwenyerezga Mzimu. Ine nkhasangana na unonono mu New York na malo ghakupambanapambana uko ŵapharazgi ŵakazomerezga icho kulutirira, nyengo na nyengo, ndipo ichi ntchinyakhe chara kweni—kweni nthimbanizgo. Wonani, para Chiuta wakuchita chinthu mu nyengo yimoza, Iyo...ichi chiŵenge—ichi chiŵenge...Iyo ndikokuti wakutondeska chirato Chakhe Yekha, usange Iyo wakuyezga kupereka lingaliro linyakhe kwa imwe, ku gulu, kuti wachemere ŵanthu ku guwa na kutimbanizga.

²⁶ Mwa chiyerezgero, ngati ichi. Ise takhala pa thebulo, tikuyowoyanga, ndipo ise tikuyowoya za Fumu. Ndipo Junior wakwiza ku thebulo mwaluŵiro, mwakufulumira chomene, wakuwuskako tcheru chithu chose ku icho ise tikuchita, ndipo waliko, wakubangura, wakuchemerezga, “Adada! Amama! Mwe! Mwe! Ine nangutchaya waka na kuyichinya timu! Ndipo ise tikuchita chose *ichi, icho*, na *chinyakhe!*” Ndipo apo ise tikaŵa nkhanira pa chimake cheneko cha chisambizgo chakupatulika. Sono, iyo kutchaya kugolesanga, icho chiri makora; pa maseŵero ghakutchayira bora na kathabwa, icho chiri makora. Kweni iyo watimbanizga para iyo wakuyowoya kutimbanizga uthenga uwo ise tikuyowoya. Lekani iyo walindizge mpaka nyengo yakhe yifike ndipo pamanyuma

watiphalire ise icho iyo wanguchita ku maseŵero ghakutchaya bora na kathabwa.

²⁷ Sono, icho ndi chinthu waka chenechira ise tikuchisanga na vyawanangwa muhanyauno. Ndicho chifukwa Chiuta ntha wangapereka vyawanangwa vinandi chomene vyauzimu ku ŵanthu, iwo ntha ŵakumanya umo ŵangavilamulira ivi. Icho ndicho chikuchitika muhanyauno, chifukwa icho ise ntha tiliri navyo kuruska umo ise tikwenera kuchitira.

²⁸ Ntheura ise tikusanga kuti kuli kukoperana kunandi chomene kwa vyawanangwa vyauzimu. Kweni ine ntha nkhuomezga icho chiri *ntheura* muno mu mpingo withu. Ine ndiri wakuwonga pa icho. Ine ntha nkhuomezga ichi ndi kukopera kulikose. Ine nkhuomezga ise tiri na vyawanangwa vyeneko, kweni ise tikwenera kumanya umo ise tingalamulira vyawanangwa ivyo.

²⁹ Ndipo ntheura para iwe ukuchita chinyakhe chiweme... Ngati ndi para iwe ukagwiranga ntchito kwa bwana ndipo iwe ukayamba ntchito yako yakudanga ndipo iwe ukanozgeka kutora malamuro, ntheura bwana wakuŵa na chigomezgo mwa iwe ndipo walutirirenge kukukwezga iwe kufika ku udindo ukuru nyengo zose.

³⁰ Sono, ine nkhuomezga kuti nyengo yira yafika ku Branham Tabernacle, kuti timanye kasi... kuti titore vyawanangwa ivyo Chiuta wakutipa ise, kuti Chiuta wangamanya kutigomezga ise na chinyakhe chikuru nanga nkhuska icho ise tiri nacho. Kweni ise ntha tingarutirira... ndipo imwe mumuwone munthu mweneuyo nyengozose mukwenera kuchita kumuphalira iyo na chirichose. Ndipo kumbukirani, “Mzimu wa ŵaprofeti ukupulikira muprofeti,” likuti Lemba. Para imwe mwamuwona mwanarumi mweneuyo imwe mukukhumba kuti mumususke, panji mwanakazi, ndipo munthu yura wavunduka, ndipo pamanyuma imwe mukumuphalira iyo Unenesko wa Malemba, pamanyuma ichi chikurongora kuti mzimu uwo uli pa iwo ntha ngwa kufuma kwa Chiuta. Chifukwa Baibolo likati, “Mzimu wa ŵaprofeti,” panji, “kuchima,” ndiko kuti, kuchitiranga ukaboni, kupharazganga, kuyowoyanga malilime, panji chirichose icho chiriko, chifukwa malilime ghakumasulika ndi uchimi. Ntheura ichi chipulikire muprofeti, ndipo Mazgu ndi muprofeti. Ntheura ise—ise tikuwona kuti ichi chafumapo pa dongosolo kuti mwanarumi panji mwanakazi waduke na kupereka uthenga, kwali iwo ŵangakhumba chomene uli kuchita ichi, apo mupharazgi wali pa gome.

³¹ Sono ine nkhusachizgira ichi Branham Tabernacle, kuti pakuŵa kuti vithu—vyawanangwa vithu ivyo ise tikusanga... Ndipo ise tiri na ŵanthu ŵanyakhe ŵaweme chomene ŵa vyawanangwa muno. Sono, chirichose cha vyawanangwa ivi ndi utumiki pa ichochekha. Ivi ndi vyawanangwa, ngati

ndiumo kupharazga ndi chawanangwa, umo machirisko ndi chawanangwa, umo vinthu vinyakhe ndi vyawanangwa, ivi ndi vyawanangwa, ivi ndi mautumiki pa ivyovyekha. Ndipo munthu waliyose wakulangulika kulindizga pa utumiki wakhe yekha.

³² Ipo rekani Branham Tabernacle wayendeskeke ngati ntheura, ndipo mu nyengo, chomenechomene nyengo iyi apo ise tiri na vinandi chomene (ine ntha nkhukhumba kuti ndiyowoye ichi, kweni), ntchikuru chomene chigomezgo-chakujipangiska. Ise tikukhumba chara vigomezgo-vyakujipangiska. Kulije munthu, kulije munthu wakugomezgeka wakukhumba kuwa na chigomezgo chakuchita-kujipangiska. Ise...Usange ise ntha...ntha tingawa nacho cheneko, tiyeni tileke kuwa nacho chirichose, tiyeni tilindizge mpaka ise tisange cheneko. Sono, ine nkugomezga imwe—imwe mwaŵanthu mungamanya kuzomerezgana nacho icho. Ise ntha tikukhumba chigomezgo-chakujipangiska. Wabale, ise ntha tingayambira pa chigomezgo chinyakhe chakujipangiska na kuchilekanga charu ichi. Ise tikwenera kuwa na icho ndi cheneko, na icho ndi chakufikapo. Usange ise tilije ichi, tiyeni tilindizge mpaka ise tiwe nacho ichi, ndipo pamanyuma tiyowoye chinyakhe za ichi. Mukuwona?

³³ Sono, ine ipo ndiyowoye, walekani wose wānarumi na wānakazi aŵa awo wākuyowoya malilime, na kuchima, na kupereka mauthenga...Ndipo ine—ine nkugomezga pamoza namwe mwaŵanthu kuti ivyo ndi vyakufikapo. Sono, Baibolo liri kuyowoya, “Pimani vinthu vyose; ndipo koreskani ku icho ntchiweme.” “Pakuti na milomo yavikwikwi na malilime ghanyakhe ine ndiyowoyenge ku wānthu aŵa, uku ndiko kupumura uko ine nkhayowoya kuti iwo wākwenera kunjiramo,” uko mu Buku la Yesaya.

³⁴ Sono, ine ipo nkhusachizga ichi kuti kachisi watumikirikenge na chawanangwa chimoza pera pa nyengo yimoza, pakuti ichi chikutiwezgeraso ise nkhanira mu dongosolo la icho ine nkhuvezga kuyowoya: usange yumoza wakuyowoya, rekani mzimu wa wāprofeti upulikire muprofeti. Kasi imwe mukupulikiska? Sono, rekani iwo awo wāli na utumiki ku Thupi la Khristu...Ndipo sono ichi chakhala chikuyowoyeka, sono rekani ichi chichitike. Warekani iwo awo wāli na utumiki ku Thupi la Khristu wālindizge pa utumiki wawo, chifukwa ndi utumiki wakufuma kwa Khristu kuruta ku mpingo. Kweni imwe mose ntha mungatumikira nyengo yimoza, pakwenera kuwa yumoza pa nyengo yimoza.

³⁵ Branham Tabernacle waŵenge ngati ntheura. Walekani iwo awo wākuyowoya malilime, na iwo awo wākumasulira malilime, na iwo awo wāli na uchimi wakuti ukwenera kuti uperekeke ku mpingo, warekani iwo wākumane pamoza mlenjilenji mu...pambere unganu undayambe, warekani iwo wākumane mu chipinda chakusankhika, ndipo wālindizge pa utumiki wa Fumu.

³⁶ Umo mliska wakwenera kuchitira iyoyekha pambere iyo wandafike ku gulu; iyo wakwenera kuti watore Baibolo, waŵerenge mu kachetechete mu chipinda chakhe, mu Mzimu, ndipo wazozgeke kuti wafike panthazi pa gulu kuti wayowoye. Usange iyo nthā wakuchita, iyo watimbanizgikenge para iyo wafika kula. (Murekani mwanarumi waliyose na mwanakazi waliyose, na chawanangwa chauzimu, wafike panthazi pa Fumu.) Ndipo pakuŵa kuti mliska wali na utumiki umoza, iyo ndi muprofeti; lizgu la Chingerezi, *preacher*, likung'anamura "muprofeti," uyo ndi mupharazgi wa Mazgu.

³⁷ Ŵarekani iwo ŵeneawo ŵali na mautumiki agho ghakwenera kuŵa gawo la munyakheso, ngati yumoza wakuyowoya malilime ndipo munyakhe wakumasulira, iwo ŵalindizge *pamoza* pa mautumiki ghawo. Iwo ŵangakhala chara mu chipinda chakuudesi na kuyowoya malilime ndipo pamanyuma kwiza na kumuphalira munyakhe icho iyo wanguyowoya, chifukwa iyo waŵenge navyo vyose viwiri malilime na kumasulira. Mukuwona? Sono, usange iyo wali na icho, ntchiweme chomene, ise tikukhumba kuti tichipokere icho ngati nthaura. Ndipo ise tikukhumba kuti mpingo upindure na vyawanangwa ivi ivyo viri mu mpingo withu. Chiuta wakatuma ivi kwa ise, ndipo ichi ndi . . . ise tikukhumba kuti mpingo withu upindure na vyawanangwa ivi vyauzimu. Nthaura murekani munthu uyo wakuyowoya malilime, na uyo wakumasulira, na uyo wakuchima, ŵarekani iwo ŵakumane pamoza pambere—mpingo undakumane. Ŵarekani iwo ŵakumane mu chipinda kwa iwoŵekha, kulindizganga pa utumiki wa Fumu ku mpingo. Kasi ichi chapulikiskika?

³⁸ Ndipo nthaura, ngati ichi, usange M'bale Neville, wakuti, inya, sono rekani ine, mundizomerezge ine, rekani ine ndiyowoye ichi: Usange M'bale Collins wayowoya malilime ndipo M'bale Hickerson wapereka kumasulira, nthaura iwo ŵali na utumiki *pamoza* ku mpingo. Sono, uwo nthā ndi utumiki wa M'bale Neville; uwo ndi utumiki *winu* ku mpingo. Ine nkhubereka ichi ngati chiyerezgero. Nthaura imwe ŵabale mukwenera kuŵa waka ŵakukondwa waka kupereka utumiki winu ku malo mu nyumba ya Chiuta umo mliska ngwakukondwera kupereka wakhe, chifukwa ichi ntchakukhumbikwira waka kuti imwe muchite ichi. Kweni iwe ungachita chara ichi kuudesi mu chipinda chako wekha, usange *iwe* wayowoya ndipo *iwe* ukumasulira, imwe mukwenera kuti mukumane pamoza. Sono, kumanani pamoza mu tchalitchi, kuwaro mu chipinda kwa mwekha, chifukwa imwe muli na utumiki wa kuudesi. Nthā ndi utumiki wakuyowoya mwakurunjika, ndi weneuwo ungamanya kovwira mpingo. Mukuwona? Ndi chinyakhe icho chingamanya kovwira mpingo, kweni ichi nthā chingachitikiranga mu kukwezga gulu, kweni nthowa yekha pera umo ine ndimuphaliraninge imwe ichi ndimo

chichitikirenge. Mukuwona? Mwantheura, chirichose M'bale Collins wayowoyenge, ndipo M'bale Hickerson wakupereka kumasulira, ngati chiyerezgero, ntheura rekani M'bale Ngana walembe ichi, kasi ichi ntchivichi. Ndipo ntheura usange ichi chikwiza . . .

³⁹ Sono, ise tose tikumanya kuti Fumu yikwiza, ise tikumanya icho. Ndipo usange M'bale Neville usiku uliwose wakunyamuka na kuti, "Wonani, Fumu yikwiza! Wonani, Fumu yikwiza!" icho chingamanya kuwa makora, wonani. Kweni iyo wakuyowoya icho (mliska) pa gome, pakuti iyo wali na Mazgu pa icho. Ndipo usange iyo pakuwa mliska, muprofeti ku mpingo . . . panji mliska, mphanyiko, iyo wakwenera kuti waŵazge Mazgu gha Fumu ndipo wamuphalirani imwe icho chiri kulembeka mu Mazgu gha Fumu za kwiza kwa Fumu, ndipo imwe mukuchenjezgeka na icho. Utumiki munthowa yinyakhe (ku mpingo) weneuwo iyo nthwa wangaŵa na chakuyowoyapo chirichose, ndi malilime, kumasulira malilime (cheneicho ndi uchimi), panji muprofeti kuyowoyanga, icho ndi chinyakhe icho nthwa chiri kulembeka mu Mazgu. Icho chiri kulembeka mu Mazgu, *iyu wakwenera* kuti wachipereke ichi; kweni icho nthwa chiri kulembeka mu Mazgu, ndicho *imwe mukwenera* kuti mumuphalire iyo. Ngati, mwachiyerezgero, "Kumuphalira M'bale Wheeler, NTHEURA WAKUTI YEHOVA, 'Machero, mu nkhando yakhe ya mchenga, nthwa wangerutangako ku ichi, chifukwa kwamkuwa thiraki yamkugadabuka,'" panji chinyakhe ngati icho, ndipo ichi chikwenera kuti chichitike. Ndipo iwe wayowoya ichi ndipo iyo wamasulira ichi, ndipo pamanyuma chiŵikani icho pa gome para utumiki winu wamara, ntheura, mu usiku, para mpingo (sumu) wayamba kwimba na vinyakhe ntheura; usange utumiki winu wamara apo, ŵarekani iwo ŵatiphalire uchimi uwo waperekeka.

⁴⁰ Ndipo ine nthwa nkukayika kuti ise tiri na . . . Panji usange imwe mukuchita, yowoyani ichi mwenemula. Para ŵanthu aŵa ŵakukumana pamoza, ŵarekani iwo awo ŵali na vinjeru ŵayambe kwiza. Chifukwa, imwe wonani, usange yumoza wayowoya malilime na kupereka kumasulira kwakulingana na Lemba, icho chingapokerereka chara pokhapokha ichi chikhozgeke na ŵanthu ŵaŵiri panji ŵatatu, ŵakaboni wanyakhe ŵaŵiri panji ŵatatu, wonani, ŵakwenera kuti ŵakhalire ukaboni icho, kuti iwo ŵakugomezga ichi kuti ndi Mazgu gha Fumu. Chifukwa . . . Ndipo nyengo zinyakhe mu mautumiki ghachokoghachoko agha, ngati ndi mu utumiki unyakhe uliwose, imwe mukusanga mizimu iyo njakwanangika; wonani, iyi yiwulukirengemo mwenemula. Ndipo ise tikuchikhumba chara icho. Chara. Ise tikukhumba kuti mautumiki agha ghaŵe ghakunozgeka kughawunika usange igho ngakuti ghangawunikika, chifukwa chirichose cha Chiuta chingamanya . . . iwe nthwa ukudandaula za kuchiwunika

ichi, ine nkhung'anamura, ichi chi—ichi chikwerenge mayeso, usange ichi chafuma kwa Chiuta.

⁴¹ Ngati mliska, usange munyakhe wakwimikana na iyo pa Mazgu, iyo nthā wakwenera kupereka chisimikizgo pa ichi, iyo wakumanya makoraghene uyo iyo wakuyowoyeskana nayo, “Zanga kuno tidumbirane.” Mukuwona? Ndipo ntheuraso ngati mautumiki ghanyakhe agha, ghakwenera kuŵa ntheuraso.

⁴² Sono, usange—usange yumoza wayowoya malilime na kupereka uthenga... Sono, ŵanthu ŵanyakhe ŵakuyowoya malilime para iwo “ŵakujikhozgera iwoŵekha,” Baibolo likati, iwo ŵali waka na nyengo yiweme. Iwo ŵayowoyenge malilime, iwo ŵakondwa. Ndipo *nadi* iwo ŵakuyowoya malilime, iwo nadi ŵakuyowoya malilime, ndipo ndi Mzimu ukuchita ichi. Kweni usange icho chikuchitikira waka kuwaro uko mu gulu, kuyowoyanga malilime, kujikhozgeranga waka iwoŵekha, ntheura ichi nthā ndi chinthu chaphindu ku mpingo; mwanarumi wakujikhozgera iyoyekha, panji mwanakazi, panji waliyose wakuchita ichi. Mukuwona?

⁴³ Kuyowoya malilime ndi chawanangwa cha Chiuta kuchita kukhozgera, umo Paulos wakuyowoyera mu Malemba, kuti ichi ntchakuti chikhozge mpingo. Ntheura uwu ukwenera kuŵa uthenga wakufikapo kufuma kwa Chiuta kuruta ku mpingo, kuwaro kwa icho chiri kulembeka umu mu Baibolo. Mukuwona? Ndi chinyakhe icho. . .

⁴⁴ Usange imwe mungandifumba ine, “M’bale Branham, kasi ine nibapatizike uli?” Ine ningamanya kumuphalirani imwe nkhanira mwaluŵiro. Imwe nthā mukwenera kuti muyowoye malilime na kundiphalira ine icho, ichi chiri kulembeka nkhanira umu mu Baibolo chakuti tingachita za icho. Mukuwona? Ine nthā nkhuenera kuti. . . imwe nthā mukwenera kufumba mafumbo ghalighose pa icho na kuŵa na munyakhe wayowoye malilime na kumuphalirani imwe. Wonani, icho chiri kulembeka kale.

⁴⁵ Kweni usange imwe mukuti, “M’bale Branham, kasi ine ndichite vichi? Ine ndiri na kusankha apa icho ine nkhuenera kuti ndichite kwali ine ndisankhe mpingo uwu panji ndirute ku mpingo unyakhe,” panji chinyakhe ngati icho. “Panji kasi ine ndichite *ichi, icho?*” Sono, icho chikwenera kuti chifike kufuma kwa Chiuta. Wonani, Chiuta wakwenera kuti watiphalire ise icho. Kweni icho chikwenera kuti chifike kwizira mu utumiki unyakhe, chifukwa Mazgu nthā ghakuti “Murekani Orman Neville wafumepo pa Branham Tabernacle ndipo warute ku Fort Wayne Gospel Tabernacle.” Wonani, ichi nthā chikuyowoya ntheura mu Mazgu apa, wonani, ntheura icho ndicho vyawanangwa ivi viri kuŵirako.

⁴⁶ Ngati munthu wanganyamuka apa na kuti, “Kasi imwe mukugomezga mu machirisko Ghauzimu?” Ise tikupharazga

icho, ise tikugomezga ichi, ise tikugomezga mu kuzozga, mafuta.

47 Kweni apa pali munthu munyakhe wakuti iyo “Ntha wakupulikiska, kasi chachitika ntchichi?” Ntheura ichi chikutorera Chiuta, kwizira mu malilime, kumasulira, kwizira mu uchimi, panji nthowa yinyakhe kuti chichitike mu umoyo wa munthu na kuvumbura chinthu icho wachita, na kumuphalira iyo za ichi. Uwo ndi utumiki uwo ntha ngwa mliska, uwu ngwa vyawanangwa ivi vyakutumikira, kweni ivi ntha vikwenera kuti vichitikireng kuwaro uko mu gulu. Mukuwona?

48 Sono, Paulos ntha nyengo yimoza wakachita kuŵaphalira ŵara—kuŵaphalira ŵa mpingo wa Efeso chirichose za icho, iwo ŵakaŵa mu dongosolo, mpingo wa Roma, panji ntha umoza wa mipingo yinyakhe; mpingo wa Ŵakorinte pera, ndipo iwo ntha ŵakajitoranga iwoŵekha. . . Sono, Paulos wakagomezga mu kuyowoya malilime. Iyo wakaŵa nako kuyowoya malilime mu mpingo wa Efeso, ntheuraso umo iyo wakachitira mu mpingo wa Ŵakorinte, wonani, kweni iyo wakamanyanga kuyowoya ku ŵa Efeso vinthu vikuruvikuru kuruska kuyowoyanga waka malilime, kumasuliranga malilime.

49 Sono, ntheura usange munyakhe walembe uthenga uwo waperekeka mu malilime panji kuperekeka mu uchimi, na kuchiŵika ichi pa gome, ichi chikwenera kuŵazgika na mliska pambere chisopo chindayambike, kuti “NTHEURA WAKUTI YEHOVA” kufuma ku ŵanthu awo ŵakayowoya na kumasulira. Ndipo usange icho chikuchitika ndendende umo kumasulira kukayowoyera, ise tikukwezga mawoko ghithu na kupereka viwongo kwa Chiuta chifukwa cha Mzimu Wakhe pakati pithu. Usange ichi ntha chikuchitika, ntheura kuchitaso chara mpaka mzimu uheni ula ufumemo mwa imwe. Chiuta wakuteta chara, Iyo nyengo zose ndi muneneska.

50 Ntheura, imwe wonani, imwe ndimwe ŵalara mwakukwana sono kuti muchite ngati ŵalara, ntha ngati ŵana (“buu, buu, buu”), imwe mukwenera kuŵa na ching’anamuro chinyakhe ku chinyakhe.

51 Rekani mpingo sono, apo uwu ukwiza mu dongosolo, ufike ku dongosolo *ili*. Usange yumoza wakachima. . . Usange yumoza wafika pakati pinu, wambura kusambizgika, ndipo imwe mukuyowoya malilime, imwe muŵenge wankhaza kwa iyo, iyo ntha wakumanya icho imwe mukuyowoya. Mukuwona? Ndipo nadi mu nyengo iyi umo muli nthimbanizgo yikuru chomene za ichi, ichi chikupangiska chikhuŵazgo. Kweni rekani yumoza wayowoye malilime, ndipo munyakhe wamasulire na kupereka uthenga, ndipo rekani ichi chiŵazgikire nkhanira pano pa gome, za icho chichitikenge, ndipo ntheura rekani ichi chichitike, imwe muwone icho chichitikenge. Ŵaphalirani iwo kuti “Machero pa nyengo *yinyakhe*, panji sabata yikwiza pa nyengo *yinyakhe*, kuzamkuŵa chinthu *chinyakhe*,” ndipo ntheura murekani

wambura kugomezga wakhale apo wategherezge ku icho ndipo wachiwone ichi chayowoyekerathu pambere ichi chindachitike. Ntheura iwo wamanyenge kasi ndi mtundu uli wa mzimu uli pakati pinu, uwu uwenge Mzimu wa Chiuta. Icho ndicho Paulos wakayowoya, “Ntheura usange yumoza wangachima na kuvumbura vinthu vyakuudesi, kasi gulu lose lingawa pasi chara, panji, wambura kugomezga, na kuti, ‘Chiuta wali pakati pinu?’” Mukuwona? Chifukwa ichi ntha chingaŵa . . .

⁵² Kweni sono ise ntha tikukhumba . . . “Para ise tikaŵa wānichi,” Paulos wakati, “ine nkachita ngati mwanichi,” iyo wakaŵaphalira Wākorinte kula, “ine nkayowoya ngati mwanichi.” Iyo wakaŵa na malingaliro gha mwanichi. “Kweni para ine nkhati ndakura, ine nkhalika vinthu vya wanichi.”

⁵³ Sono, ine nkhumuphalirani mose imwe, wonani. Sono, virimika vichoko vyajumpha, imwe mukaŵa wānichi na vyawanangwa ivi, kusewera kunyuma na kunthazi. Kweni imwe mwakhala mukusambizgika nyengo yitali sono, ndi nyengo yakuŵa wālara, ntha kugwiriska ivi kuti musewereskenge waka. Vyawanangwa ivi, ndi vyakupatulika, ndi vyakufuma kwa Chiuta, ndipo imwe ntha mukuvisewereska ivi. Tiyeni tizomerezge Chiuta wavigwiriske ntchito ivi. Icho ndicho utumiki winu ukukhumba kuti ukhalirenge. Umo ndimo tingakhazikiskira Branham Tabernacle mu kutumikira. Ndipo—ndipo usange pali mafumbo, nyengo yiriyose, rekani tepi iyi yizakakhale ngati kaboni kuti umo ndimo ichi chikwenera kuti chichitikirenge mu Branham Tabernacle.

⁵⁴ Usange kuzamkuŵa kuti kwafika mlendo, chifukwa imwe muli na iwo nyengozose, chifukwa uyu pakuŵa kachisi wa wānthu wāmpingo yakupambanapambana, kuli wānthu wākwiza wēneawo ntha wāli nako kusambizgika kuweme uku, iwo wālije ichi, iwo ntha wākumanya makora. Ndipo mliska wawo, iwo wādukirenge nkhanira muchanya na kudumurizga uthenga wakhe, na kutimbanizga guwa lose, na kuyowoya malilime na chirichose ngati ntheura. Imwe ndimwe wānthu wākusambizgika makora kuruska icho. Mukuwona? Ntheura paumaliro wa chisopo, usange iyo wakupulikira chara, ntheura ndi ntchito ya dikoni kuti warute kwa iwo. Ntha mungazomerezganga mliska winu kuti wachite ichi pokhapokha para ichi chafika pa nyengo kwenekuko kulije dikoni uku, kweni dikoni ndiyo wakwenera kuti wagwire ntchito iyo. Mukuwona?

⁵⁵ Sono, para chisopo chamara . . . Usange munthu wakunyamuka waka na kupereka uthenga, mliska, usange iyo wakukhumba kuti walekezge miniti pera na kurutirizgaso, chiri makora, wonani, icho chiri kwa mliska. Kweni pamanyuma mwaluŵiro rekani dikoni, pambere munthu yura wandafumemo mu nyumba, muwatorere iwo ku malo ghamoza ndipo muyowoye nawo za ichi.

Ndipo usange iwo wakupulikiska chara ichi, watorerani iwo ku tepi iyi ndipo yowoyani, “Ichi ndicho bishop, panji, mulaŵiriri wa mpingo. . .” (Uyo ndi *bishop*, a. . . mulaŵiriri waliyose, wonani, umo ndimo wakuchemekera mu Baibolo, “bishop mulara,” wonani, ntheura uyo ndi mulaŵiriri mukuru wa mpingo.) “rekani. . . ichi ndi kayendeskerero na nthowa umo mpingo withu ukuchitira ichi. Sono, ise tikutemwa kuti imwe mwize mupereke uthenga winu. Kweni usange imwe muli na uthenga kufuma kwa Fumu ndipo uwu ndi. . . rekani ichi chiperekeke, kwiza nacho kuno na kuŵika ichi pa gome, ndipo mupharazgi withu waŵazgirenge ichi ku gulu, uthenga ku gulu ili.”

Kweni ichi nthu chingaŵanga kuwerezganga waka Malemba, na vinthu ngati ivyo. Uwu ukwenera kuŵa uthenga wakurunjika ku ŵanthu, za chinyakhe icho chiri pafupi kuchitika, panji chinyakhe iwo wkwenera kuti wachite. Kasi ichi chapulikiskika? Viri makora.

Sono, kasi yiriko nthowa yiweme yakusungiskira dongosolo mu mpingo kuruska kurutirizga kuŵakumbuskanga ŵanthu na a—kuwerezgapo kufuma ku madikoni kaŵirikaŵiri?

Chara, icho, ine ndarongosora waka icho. Ilo ndi fumbo lachitatu.

⁵⁶ Madikoni, ntchito yinu ndi kusunga dongosolo mu mpingo, na chisungusungu na ubwezi. Ndipo pamanyuma imwe mukwenera kuti, usange munyakhe nthu wakupulikira mu mpingo, panji wakunjira muno ngati walowera, panji munyakhe wafika.

⁵⁷ Ngati ndiumo iwo wkalasira mupharazgi yura pa gome usiku unyakhe kumtunda kula. Imwe mukapulika za icho, muloŵevu yura wakiza na futi yamapayipi ghakubanikizgana yamasawa. Iyo wakalirira muwoli wakhe, ndipo—ndipo iyo wakakhumbanga muwoli wakhe, ndipo wakaruta kurazga kwa mliska. Ndipo mliska wakamurongora iyo muwoli wakhe wakakhala apo, kweni iyo wakati walasirenge muwoli wakhe nkhanira mu tchalitchi, ndipo mliska wakayamba kuchitapo kanthu na iyo. Ndipo m'malo mwakuti—m'malo mwakuti. . . Mwanarumi na futi yamasawa wakang'anamuka ndipo wakalasa mliska pa gome, ndipo pamanyuma wakalasa muwoli wakhe, ndipo pamanyuma wakajilasa iyoyekha.

⁵⁸ Sono, usange kula kukaŵenge gulu la madikoni para munthu yura wakanjiranga pa muryango ula na futi yira yamasawa, iwo nthena wkwamukora iyo, kumupoka futi yakhe yamasawa. Mukuwona? Wonani, awo—awo ndi madikoni ghadongosolo. Ndipo sono, vinthu ivi vyafika umo iwo wkwuchitira sono, imwe panji mungamanya kukhazga waka chirichose. Kweni, kumbukirani, madikoni ndi wapolisi ŵa Chiuta mu nyumba ya Chiuta, kwali munyakhe waliyose wakughanaghana vichi.

Nyengo zinyakhe wapolisi nthawachitenge kukhumba kuruta kumtunda na kukamanga munyakhe, panji yumoza wa wabwezi wakhe, kweni iyo wali kulumbira pa ntchito, iyo wakwenera kuti wachite ichi munthowa yiriyose. Iyo ndi ntchito yakhe ku msumba wakhe. Mukuwona?

⁵⁹ Iyo ndi ntchito ya dikoni ku mpingo. Ndipo usange munyakhe wayimirira na kuyamba kutimbanizga mliska, panji chinthu chinyakhe ngati icho, ndipo mliska wali mu uthenga wakhe, madikoni ghakwenera kuti gharute ku wanthu wارا, wawiri panji watatu wa iwo, wayowoye, “Kasi ise tingayowoyapo nawe, m'bale?” Mukuwona? Mutorani iyo mu tchalitchi, kunjira mu ofesi, mkati *muno* panji ofesi yinyakhe, na kuyowoya kwa iyo za ichi, kuti, “Imwe nthawungatimbanizganga.” Imwe mukumanya, ichi ndi a— ichi ndi mlandu ukuru mwa dango kutimbanizga chisopo munthowa yiriyose. Mukuwona? Kweni wanthu wanyakhe, ngati munthu wachinyamata wakusuzga panji chinthu chinyakhe, wafika pakati pinu, imwe mukumanya, ndipo—ndipo nthesoposi munyakhe wakunyanyira, na—na kuyamba kusuzga, nthaura madikoni...Ndipo usange—ndipo usange madikoni ghakuwoneka kuti ngakuperewera kulekeska ichi, nthaura gulu la mathrastii panji munyakhe waliyose mu mpingo wangamanya kunyamuka na kupereka wowwiri pa munthu wantheura. Imwe mukumanya icho.

⁶⁰ Ndipo—ndipo sono rekani ine ndifumbeso fumbo apa.

Kasi yiriko nthowa yiweme yakusungiskira dongosolo mu mpingo kuruska kuchita kuwakumbuska wanthu na kuwerezgawerezga kufuma ku madikoni, sono, pakanyengo?

⁶¹ Sono ine nkughanaghana kuti—mliska, wachite nthaura pafupifupi...Panji kulizga tepi iyi, rekani icho chikhale ngati ukaboni. Madikoni ndi wapolisi, ndipo lizgu lawo ndi dango na dongosolo. Mukuwona? Ndipo iwo wali na mazaza kufumira ku mpingo ndipo nanga nkufumira ku marango gha charu kuti wapange nyumba yira ya Chiuta kuwa malo ghakwenerera. Ndipo waliyose wambura kupulikira dikoni ngati nthaura, ndi wakulangurikira ku—ku virimika wawiri kufika teni mu gadi la m'chigawa. Usange imwe mukuwaphalira iwo kuti warute ndipo iwo wakuchita chara ichi, panji chinyakhe ngati icho, munyakhe na machitiro ghambura kupulikira, iyo nthawakumanya waka icho iyo wakuchita ku...Iyo wakujimanga iyoyekha, panji kujipanga iyoyekha kukumana na mitundu yose ya milandu, chirichose.

⁶² Ndipo nthaura para ichi chafika pa msinkhu wakuti munyakhe...Sono, ngati...Ndipo usange munyakhe wanyamuka na kutimbanizga dongosolo...Panji kuyowoya waka malilime panji chinyakhe, ine ningatemwa chara kujandizga pa icho. Wonani, warekani iwo wachite, chifukwa

usange iwo mbalendo. Usange iwo ndi wanthu withu tekha, ntheura imwe rekani waka, usiku wakurondezgana, imwe madikoni torani waka tepi iyi, na kuti, “Sono, ise tipulikizgenge dongosolo la mpingo pambere ise tindayambe chisopo, ine nkikhumba kuti waliyose wapulikiske ichi.” Ndipo imwe waliska na imwe mose mungamanya kugwira ntchito pamoza ngati ntheura.

Sono, M'bale Branham, kasi ukuti vichi za Sande sukulu? M'bale Branham, za Sande sukulu (viri makora), kasi iyi yichitike pambere chisopo cha upharazgi chindayambe?

⁶³ Inya, ise nyengozose tikaŵanga na ichi mwantheura. Muŵe na Sande sukulu pambere chindayambe chisopo cha upharazgi. Ndipo icho chikupereka mwaŵi ku ŵana ŵachokoŵachoko awo ŵakwiza ku Sande sukulu, kuti ŵafume mu makalasi ghawo. Ndipo usange—ndipo usange iwo ŵakukhumba . . . ndipo ŵana ŵachokoŵachoko ntha ŵakupulikiska ichi, ndipo ntheura iwo ŵakwenera kuti ŵakhale nyengo yose mu chisopo cha upharazgi ndipo pamanyuma ŵawe na Sande sukulu, ŵana ŵachokoŵachoko aŵa ŵakuvuka. Rekani Sande sukulu yiŵe pakudanga, mukwenera kukhazikiska nyengo, nyengo waka yimoza penepapo Sande sukulu yiyambikirenge. Mulara wa Sande sukulu wakwenera kuwoneseska pa icho, kuti Sande sukulu yira yikwamba pa nyengo yakuti, mukhazikiske nyengo. Ndipo iyi yikumara pa nyengo yakuti. Wose ŵa Sande sukulu, ŵagawirani nyengo yikuru ntheura pa icho, ndipo pamanyuma ŵafumiskani.

Kasi musambizgi wa kalasi la ŵalara waŵe munyakhe padera pa mliska?

⁶⁴ Usange ichi chazomerezgeka ntheura. Usange mliska wakukhumba kuti wasambizge Sande sukulu ndipo ntheura wapereke uthenga pamanyuma, icho ntchiweme na chakutowa usange iyo wakukhumba kuti watumikire kaŵiri. Kweni usange iyo ntha wakukhumba, ntheura imwe muŵe na musambizgi winu wa Sande sukulu ya ŵalara, wonani, wa kalasi linu la ŵalara. Ndipo ntheura usange—usange mliska wali na munyakhe kula mu malingaliro, ndipo munthu wakukhumba kuti wachite ichi, jipasani mwekha maminiti sate, panji yiriyose imwe muzomerezgenge kuti ŵa Sande sukulu ŵawe nayo, sate panji sate-fayivi, maminiti fote, yiriyose iyo yingawako.

⁶⁵ Ndipo pakwenera kuŵa belu liŵikike pano. Ndipo para belu lira larizgika, icho chikung'anamura . . . panji belu wa tchalitchi, para ili likulira kuwaro, ilo likufumiska Sande sukulu. Ndipo para belu yura wakulira, icho chikung'anamura kuti chirichose chikhale mu dongosolo nkhanira penepapo.

⁶⁶ Yiŵepo nyengo yikuru ntheura ya sumu yimoza panji ziŵiri, yiriyose imwe muyimbenge. Ntha nyengo yitali chomene, imwe muvuskenge wanthu pakuchita kuŵasunga iwo nyengo yitali

chomene, wonani. Ndipo imwe lizgani waka belu, muyimbepo sumu na chirichose imwe muchitenge, ndipo ntheura tumizgani wana wina ku malo. Ndipo para nyengo yira yakwana waka, mwachiyerezgero iyi yiwenge pa—pa teni koloko, panji teni-sate, panji teni-fifitini, yiriyose iyo yingawako, lizgani belu lira ndipo musambizgi waliyose wafumiske kalasi lakhe, wakwiza ku gulu kudera kuno. Ndipo pamanyuma. . .Ndipo wakupereka ripoti, ripoti la Sande sukulu, ndipo pamanyuma wakumalizga chinthu chose, ndipo warekani wose awo wakukhumba kukhalira ku chisopo cha upharazgi wakhalire. Wonani, ntheura ichi chiri mu dongosolo.

Fumbo? **Kasi mba-...[Munyakhe wakufumba M'bale Branham, "Ndipo ntheura ise tiri na makalasi ghakulekanalekana, mu kayowoyero kanyakhe?"—Munozgi.]**

⁶⁷ O, inya, imwe mukwenera kuwa nagho. A—wa virimika-vitatu ntha wangapulikiska icho wa virimika-fotini wangamanya kupulikiska. Ine nkughanaghana ine nanguchitora icho mwakulutirirapo pachoko.

Kasi pakwenera kuwa makalasi ghalinga?

⁶⁸ Imwe mukwenera kugawa makalasi ghinu mu. . .Ngati kalasi la wana wachokowachoko chomene awo wakukhumba kuwa na chakumatikapo vithuzithuzi, icho ntchawanichi chomene kwa mnyamata panji msungwana wa virimika-fotini. Mukuwona? Imwe mukwenera kuwa na munyakhe wakuti watore kalasi la wana wachokowachoko awo, mama munyakhe mulara panji munyakhe uyo wakumanya umo wakangawapwererera iwo. Makalasi ghanyakhe, ine nkughanaghana, wakwenera kuwa munyakhe uyo wakumanya makora kupereka Mazgu. Mukuwona? Ndipo ghakwenera kuti ghaweko makalasi. Kuti ndiyowoye sono, pakwenera kuwa kalasi ngati lakwambira. . .Pafupifupi makalasi ghatatu.

⁶⁹ Pakwenera kuti kalasi lichoko la wana wachokowachoko, likwenera kuti liwepo pafupifupi kufumira msinkhu wa virimika fayivi. Ndipo wanyakhe wose kukhirira pa awa wakwenera kusungika na mama, na kuwawika mu chipinda cha wana usange ntchakwenerera pa nyengo yira ya—ya kupharazga, usange iwo wakuyamba kusuzga. Icho ndicho chakulinga cha chipinda cha wana.

⁷⁰ Ndipo ine nkughanaghana kuti a—makalasi ghakwenera kupangika kufumira ngati wana wachokowachoko wa msinkhu pafupifupi virimika fayivi panji sikisi, kufika eyiti panji nayini, teni, chinyakhe ngati icho. Ndipo ntheura kufuma msinkhu wa virimika teni kufika fifitini wakwenera kuwa mu a—kalasi la msinkhu wa virimika m'matini. Ndipo ntheura kalasi la walara kujumphirapo fifitini, chifukwa iwo. . .usange iwo mbalara mwakukwanira kuti—kuti. . .mazuwa ghano iwo wangamanya kusanga ntchito ndipo iwo wakukhumba kuvota pa msinkhu

ula, pafupifupi; ntheura iwo—iwo wákwenera kuti wápulikenge Mazgu, kweni wízenge ku nyumba yikuru yakusoperamo na kuwa nacho icho.

Kasi wásambizgi wáwê anjani?

⁷¹ Apo imwe muli, icho chiri kwa imwe kusankha wásambizgi wínu mwekha. Ndipo imwe mukwenera kuti muchite icho, kuwasankhiramo iwo mwenemula, sangani munyakhe. Ndipo mukumane pa mpingo, ndipo yowoyani, “Kasi ndi... Kasi ndinjani muno wakuwona kurongozgeka na Fumu?” Ndipo ntheura sangani musambizgi wakukwanira. Ndipo ntheura rekani ichi chichitike. Ichi chikwenera kuwa ntchito yakufwirirapo, wábale. Usange musambizgi wangaŵa wakukwanira chara pa ichi, ntheura sinthani wásambizgi.

⁷² Para nyengo yakwana, mu kurongozgeka na Chiuta, usange ine nkhuwona ngati kuti Orman Neville ntha wangakwaniraso kuwa mliska pano, ine ndiyowoyenge ichi ku mpingo. Para ine niwonenge chinthu chimoza muno, kughanaghana kuti imwe madikoni ntha mukukwana kuwa madikoni, ine ndiyowoyenge ichi ku mpingo, kuti, “ine ndasanga kuti pali dikoni munyakhe kudera kuno wakuchita chinyakhe icho ntha iyo wakwenera kuchita, ndipo iyo ntha wakusunga malo ghakhe gha ntchito,” na vinyakhe ngati ivyo, panji thrastii panji chirichose icho chiriko. Ine ntha ningamusankhirapo panji kumuwuskapo, mpingo ukwenera kuti uchite icho, kweni nadi ine ndichiperekenge ichi ku mpingo. Wonani, chifukwa icho uwu ukwenera kuti uchite. Icho ndicho ine nkhuwenera kuwa, ngati mulaŵiriri, ine nkhuwenera kulaŵiska na kuwona icho chikuchitika. Ise tikuruta Kuchanya, ntha kuwaro kuno kumalo kunyakhe ku ungano panji chinthu chinyakhe kukaŵa na sangurusko likuru na kuwiskananga yumoza na munyakhe, na kuchita maseŵero ghakutchayira bora kathabwa. Ise tiri kuno kuchita chinthu chakuzirwa chomene icho chiriko pa charu chapasi, Mazgu gha Chiuta, ndipo ichi chikwenera kuti chichitike mu dongosolo lauchiuta.

Kasi wásambizgi wáwê anjani?

⁷³ Icho chiri kwa imwe kuwasankha iwo. Kweni ine mbwenu ndisankhenge, wa wana, ine mbwenu ndisankhenge mwanakazi mulara, munyakhe uyo wangachita icho. Kweni ku wa virimika m’matini, ine mbwenu ndisankhenge musambizgi munyakhe uyo ngwafwirirapo, ndipo ntha wakurutanga waka kuwaro uku na kukawotchanga kanyenya. Icho chingamanya kuwa chiweme usange iwo wákukhumba kuwotcha kanyenya, kweni kuwika waka chinthu chose ku icho. . . Perekani ichi ku Mazgu, torani munthu uyo wakumanya kukoreska Mazgu. Ndipo ichi chiwenge kuti, mpingo uwu ntha ukugomezga. . . Kuwotcha kanyenya nkhuweme, na—na viryerano ivyo imwe mukukhumba kuruta pamoza na kuwa na wenenawene, icho ntchiweme, kuti—ichi

ndicho imwe mukwenera kuti muchitenge kuti musanguruske wana. Kweni malo agha mkati *muno*, agha ndi Mazgu gha Chiuta. Kuwotcha kanyenya ndi para imwe mwakumana pamoza, panji chinyakhe ngati icho, kweni nthu mu nyumba iyi ya Chiuta. Ndipo aŵa wákumanya, nkhumanya ise tikumanya kuti ise nthu tikugomezga mu uchindere wakuno uwu wa—wa—wa maphwando na chirichose ngati icho kudera uku, ise—ise. . . imwe mukumanya makora kuruska icho.

Kasi ndinjani waŵe mrongozgi wa Sande sukulu kuti wasungirire ichi mu dongosolo?

⁷⁴ Mlara wa Sande sukulu. Ndipo iyi ndiyo ntchito yakhe. Iyo nthu wakwenera kuŵa na kalikose kakuchita na madikoni, mathrastii, wáliska, panji munyakhe waliyose, iyo wali na ofesi yakhe yekha. Waliyose uyo ndi msambizgi winu wa Sande sukulu, ine nkhumanya chara. Kweni msambizgi wa Sande sukulu yura wakwenera kuwoneseska kuti kalasi lililose liri mu malo ghakhe, ndipo msambizgi waliyose walipo, panji mubwerekerepo msambizgi munyakhe pa msambizgi yura usange iwo nthu wálipo zuŵa lira.

⁷⁵ Ntheura pambere Sande sukulu yindayambe. . . Apo a—visambizgo vikuchitika, mlara wa Sande sukulu wakwenera kuti wayendemo na kutora vyawanangwa ivyo iwo wánguŵa navyo mwenemula (vyakupereka vya Sande sukulu), na ripoti ya unandi wa awo wáfika, ma Baibolo ngalinga iwo wánguŵa nagho mu kalasi ili, na vinyakhe ntheura, na kupanga ripoti la ichi. Ndipo ntheura wayimirire panthazi pa gulu pambere chisopo cha upharazgi chindayambe, para iyo wapika mwaŵi kuti wachite ichi, apo iwo wákúŵa na ripoti la Sande sukulu para Sande sukulu yamara, kuyowoya wásambizgi mbalinga, mbalinga wáfika, unandi wa wose wá Sande sukulu pamoza, vyose—unandi wose wa vyawanangwa, na vinyakhe ngati ntheura. Madikoni, mathrastii, wáliska, nthu mbakwenerera kuchita icho. Iwo wálize chakuchita mu ichi, iyo ndi ntchito ya mulara wa Sande sukulu.

⁷⁶ Ndipo ntheura usange iyo wakuwona kuti Sande sukulu yikukhumbikwa vinthu vinyakhe, ntheura iyo wakwenera kuti wachipereke icho ku—ku gulu la mathrastii, ndipo mathrastii ghaŵe na nkhumano pa ichi, chakudanga. Ndipo pamanyuma mathrastii, usange iwo wásanga kuti kuli ndalama zakukwanira na vinyakhe ntheura, kwa msungichuma, ntheura ichi chingamanya kugulika; usange iyo wakukhumba chinyakhe cha kuwéranga, panji chirichose icho chiriko, panji ma Baibolo ghanyakhe panji chinyakhe, iwo wákukhumba kuti wámugulire Baibolo yumoza, imwe mukumanya, ilo lingamanya kuŵa na Mazgu ghanandi na kuyowoya Malemba ghanandi, chawanangwa chinyakhe panji chinyakhe iwo waperekenge ngati kuti, chawanangwa, ndipo iwo wákukhumba kuti wágure ichi ngati mpingo. Ntheura rekani icho chiperekeke ku a—ku a—

ku—madikoni . . . ndipo nthaura w̄arekani iwo w̄afufuze usange ichi ndi—usange izi zirimo mu thumba la mpingo. Mukuwona?

⁷⁷ Ndipo nthaura ine nkughanaghana kuti icho chikuzgora mafumbo fayivi ghara pa icho.

Sono pa linyakhe lakurondezgana, ndakuti:

M'bale Branham, kukhwaskana na dongosolo la mpingo, ise tiri kuyezga kuchita kwakulingana naumo ise tikughapulikiskira malamuro ghali kuperekeka mu kupatulikira kwa tchalitchi liphya. Ndipo pakuchita nthaura, w̄anyakhe w̄ali kuvunduka ndipo w̄afumapo pa mpingo. Ndipo w̄anyakhe nthw̄ wakupulikira chirichose ise tikuyowoya, chomenechomene w̄ana. Ise tiri kuyowoya ku wapapi za w̄ana w̄awo, ndipo iwo nthw̄ wakuchitapo kanthu pa iwo. Sono, kasi ise tindapulikiske? Panji, kasi ise tikuchita ichi mu nthowa yiheni? Yewo.

Sono rekani ine ndizgore ili apo igho ghakwiza kusika.

Kukhwaskana na dongosolo la mpingo, ise tiri kuyezga kuchita kwakulingana naumo ise tikachipulikiskira ichi kuperekeka mu kupatulikira kwa tchalitchi liphya.

⁷⁸ Sono, uwo mbunenesko, imwe mukuchita makora. Sono, ichi w̄akwenera kuw̄a madikoni, ine nkhusachizga, chifukwa ichi chiri nkhanira apa, ichi ndi ntchito ya dikoni. Viri makora.

Ndipo pakuchita nthaura, ise nyengo zinandi . . . w̄anthu nyengo zinandi w̄ali kutivundukira ise.

⁷⁹ Iwo w̄akuchita kwa ine, naneso! Iwo w̄achitenge kwa munthu waliyose. Mukuwona? Munthu uyo wakuchita icho, chiripo chinyakhe chakwanangika na munthu yura. Iwo w̄ali makora chara na Chiuta, pakuti Mzimu wa Khristu ukupulikira ku chisambizgo cha Khristu, nyumba ya Khristu, dongosolo la Khristu. Mukuwona? Ndipo mwanarumi waliyose uyo . . . panji mwanakazi waliyose, panji munthu waliyose, w̄ana, uyo wangakwiwira dikoni wauchiuta uyo wangamanya kuw̄aphalira iwo kuw̄a . . . ndipo, panji mupapi waliyose uyo wakwiwiringe dikoni . . . Nadi, ise tikukhumba waliyose mu mpingo uwu uyo ise tingamanya kumufika; kweni usange icho chingamanya kupangiska suzgo pamalo ghanyakheso, muli munga panji “kalulu mu mutolo wa nkhu,” umo ise tikayowoyera kale. Munthu yura wali makora chara.

⁸⁰ Usange iwo w̄afumapo, pali chinthu chimoza pera chakuti muchite: w̄arekani iwo w̄arute, ndipo muw̄apempherere iwo. Mukuwona? Nthaura panji madikoni ghanyakhe gharute kwawo ku tcha . . . panji, w̄arute ku nyumba yawo nyengo yinyakhe, na kufufuza chifukwa icho iwo w̄akaukirapo, na kuw̄afumba iwo icho chikanangika. Nthaura, ndipo usange iwo . . . Wonani usange iyo wangamanya kuw̄awezga iwo. Usange iwo w̄angachita chara, nthaura torani w̄akaboni w̄awiri panji

ŵatatu na imwe, mwakuti iwo panji ŵangapulika. Ntheura usange iwo ŵangapulikiska chara, ntheura ichi chiyowoyeke ku mpingo usange iwo ndi mamembara pano pa mpingo. Ntheura iwo . . .

⁸¹ Ntheura usange iwo nthā ndi mamembara pa mpingo, nkhumanya iwo nthā ndi mamembara gha gulu ili, iwo ŵakwenera *kunozgeka* kulamulirika. Wonani, iwo—iwo ŵakwenera kuti ŵapulikire ku marango githu pano, chifukwa agha ndi marango gha mpingo. Ivi ndi vinthu ivyo ise nthā tikukhumba kuchita, vinthu ivyo ine nthā nkhutemwa kuchita, kweni ndi vinthu ivyo vikwenera kuti vichitike. Ndipo ine nkujirongosora ndamwene: na kuviyowoya ivi muno kwizira pa tepi iyi, ndine, iwo ŵangamanya kundipulika ine nkhuoyowoya na kumanya kuti ndine, nthā mwaŵanthu imwe. Imwe mwandifumba *ine* mafumbo agha, ndipo ine nkhuoyowoya kwa imwe chiweme chomene icho ine nkhumanya nkhuoyowoya kufuma ku Mazgu gha Chiuta.

⁸² “Sono, usange ŵanthu ŵara ŵakwiya ndipo ŵafumako kwa imwe, kasi Lemba likuti vichi za ichi, M¹bale Branham?”

⁸³ “Iwo ŵakafumapo pa ise chifukwa iwo nthā ŵakawa ŵa ise.” Ndipo icho chikukhazikiska ichi. “Ŵakafumapo pa mpingo,” icho ndicho iwo ŵakachita. Viri makora.

Ŵanyakhe nthā ŵapulikirenge chirichose ise tiyowoyenge, chomenechomene ŵana.

⁸⁴ Ŵana ŵakwenera kuti ŵamanye mwambo, iwo ŵakwenera kuwusambira uwu ku nyumba. Kweni nanga wangaŵa wane, ŵana ŵane ŵafikenge muno pa nyengo yiriyose, iwo ŵakuswa dongosolo, ine nkhuoyowoya chara kuti imwe muŵikepo chikwapu chimoza; Sarah, Rebekah, Joseph, Billy, panji waliyose uyo wangaŵako. Imwe mundiphalire ine, ine ndichitengepo kanthu. Usange iwo ŵangapulikira chara, ntheura iwo ŵaleke kuruta ku tchalitchi mpaka iwo ŵasambire kupulikira. Iyi nthā ndi nyumba yakuseŵereramo, iyi ndi nyumba ya Chiuta. Agha nthā ndi malo ghakuseŵererapo, na kuseŵeranga, na kulemba manotisi, na kuseka, na kusuzganga, iyi ndi nyumba ya Chiuta; njakuti tiyipange mwauchiuta.

⁸⁵ Imwe mukwiza kuno kuzakasopa, nthā nanga nkhuoyowoya. Agha nthā ndi a—agha nthā ndi malo ghakuzakaryerapo vyakurya, agha nthā ndi malo ghakuchezgerapo; agha ndi malo ghakukumaniranapo na Mzimu Mutuŵa, kutegherezga ku icho Iyo wakwenera kuti wayowoye, nthā kwa yumoza na munyakhe. Ise nthā tikwiza kuno kuzakakumana yumoza na munyakhe, ise tikwiza kuno kuzakakumana na Khristu. Iyi ndi nyumba ya kusoperamo. Ndipo ŵana ŵakwenera kusambizgika mwambo, ndipo usange iwo . . . na ŵapapi. Rekani ichi chimanyikwe! Kuti usange madikoni agha . . . Usange ŵapapi ŵa ŵana aŵa nthā

wapulikirenge ku icho madikoni agha ghakayowoya, ntheura wapapi aŵa wakwenera kuti wasusike iwoŵene.

Ise tayowoya ku wapapi za wana wawo, ndipo iwo ntha wakuwapwererera iwo.

⁸⁶ Usange iwo ndi mamembara gha mpingo uwu, ntheura imwe mukwenera kuti mutorepo waŵiri panji watatu pamoza na imwe na kumuchemera mupapi yura ku nkhumano ya kuudesi, mu yimoza ya maofesi. Ine nkhubwerera chara kwali ichi chiri pa njani, usange ndine, usange ndi M'bale Neville, usange ndi Billy Paul na msepuka wakhe muchoko, usange ndi M'bale Collins na yumoza wa wana wakhe, panji munyakhe waliyose wa imwe. Ise tiri. . . Ise tikutemwana yumoza na munyakhe, kweni ise tikwenera kumutumikira Chiuta na Mazgu agha. Usange ndi Doc, a. . . kwali iyo ndinjani, ise tikwenera kuti tichemane yumoza na munyakhe na kuŵa wakugomezgeka yumoza kwa munyakhe. Kasi Chiuta wangachita uli na ise, usange ise ntha tikugomezgana yumoza na munyakhe? Kasi ise tiwenge uli wakugomezgeka kwa Iyo? Mukuwona?

⁸⁷ Ili ndi dongosolo, ise tikwenera kusunga nyumba ya Chiuta! Ndipo madikoni ghakwenera kuti ghamanye umo wangachitira icho. Mukuwona? Ndipo ndicho chifukwa ine nkhumuphalirani imwe sono, sungirirani vinthu ivyo mwapulika. Ndipo usange ichi, imwe mwaŵaphalira wapapi ndipo iwo ntha wakupulikira ichi, ntha wakupulikira ichi, ntheura imwe mutorepo dikoni munyakhe panji yumoza wa mathrastii, panji munthu munyakhe muweme wa mpingo uwu, na kuchema. . . torani winu thrastii- . . . Torani gulu linu la madikoni, madikoni ghinu ghose pamoza, yowoyani, "M'bale Jones, M'bale Henderson, M'bale Jackson," panji waliyose wangaŵako, wonani, "wana wawo wakusuzga, ise tiri kuŵaphalirapo iwo kaŵiri panji katatu za wana wawo, ndipo iwo ntha wakupulikira ichi."

⁸⁸ Ntheura muchemani M'bale Jones, panji M'bale *Uyo-ichi-chamuwira*, ndipo yowoyani, "M'bale Jones, ise takuchemera iwe muno ku nkhumano. Ise tikukutemwa iwe, ndipo ise. . . iwe ndiwe gawo la ise, iwe uli yumoza wa ise. Rekani ine ndiŵikepo waka tepi yinyakhe iyi ndipo tipulike icho M'bale Branham wakayowoya za ichi, wonani. Sono, ise tiri kukupempha iwe kuti uŵapange wana awo wapulikirenge. Ukuwona? Usange iwo ntha wapulikirenge, ndipo iwe ungaŵapanga chara iwo kuti wapulikire mu tchalitchi, waleke iwo na munyakhe apo iwe ukwiza ku tchalitchi mpaka iwo wasambire umo iwo wangajisungira makora iwoŵene mu nyumba ya Chiuta." Mukuwona? Kweni ili ndi dongosolo, ichi chikwenera kuti chichitikenge! Mukuwona?

Sono, fumbo linyakhe likulutirira.

Sono, kasi ise tindapulikiske?

⁸⁹ Chara, bwana. Imwe nthā mundapulikiske, icho chiri makora. Ine nkhuwerezgapo ichi, marango. Mu gulu la wankhondo, iwo nthā wakukufumba iwe, “Kasi iwe urutenge kukachita chinthu chakuti?” Usange iwe uli mu gulu la wankhondo, iwe ndiwe *wakukakamizgika* kuchita ichi. Mukuwona? Ndipo umo ndimo ichi chiliri mu... Ine ndiri wakukakamizgika kupharazga Ivangeli. Ine ndiri wakukakamizgika kuyima na Uwu kwambura kupwererako icho wanthu wanyakhe wakwithu na wabale na wanyakhe nthaura wakuyowoya za Uwu, ine ndiri wakukakamizgika kuchita ichi. Ine nkhuwenera kupweteka malingaliro na kuwachontha wanthu, kweni usange ine . . .

⁹⁰ Iwe nthā ukukhumba kuchita ngati Oswald. Mukuwona? Usange iwe nthā ungakoleranako na munthu na vinthu, ndipo pamanyuma kukorako chasa chakhe na kuwa na malingaliro gheneghara pa iyo, mbwenu chiripo chinyakhe chakwanangika na iwe. Usange ine nthā ningakoleranako na munthu (mwakukwiyskana, kufuma ku chigaŵa chimoza kufika ku chinyakhe) na kughanaghana ndithu chomene za iyo umo—umo Khristu wakachitira, mbwenu chiripo chinyakhe chakwanangika na mzimu wane, ine ndilije Mzimu wa Khristu. Mukuwona?

⁹¹ Usange iyo wakuti, “Inya, M’bale Branham, ine—ine nkhuwomezga kuti chisambizgo chako ndi *ichi, icho.*”

⁹² “Viri makora, m’bale, tiye tikumane pamoza kuti tikambirane, iwe na ine. Ise tichitorenge ichi taŵene. Ise tirutenge kudera uku mu chipinda kwa tekha, ise tikambiranenge ichi.” Ndipo iyo wakundikwenyerezga waka ine chomene, ndipo ine nkhuwenera kuyowoya vinthu kumuzgora iyo. Usange mu mtima wane ine nthā ningakhwaskika chimozimozi za iyo, kuti “iyo ndi m’bale wane ndithu ndipo ine nkhuwezga kumovwire iyo,” nthaura ine ndizamkumovwirapo chara iyo, kulije mwaŵi kwa ine wakuti ndimovwirire iyo. Usange ine nkhumutemwa chara iyo, kasi phindu ndi vichi la kurutira kudera kula? Kumuphalira iyo, “Chinthu chakudanga chiŵe pakudanga, M’bale, ine nkhuwutemwa chara iwe, ndipo reka ine ndifumiskemo icho mu mtima wane apa pambere ise tindanjire mkati umo, chifukwa ine ningakovwira chara iwe mpaka ine ndikutemwe iwe.”

⁹³ Ndipo uwo mbonnesko, ndipo iyo ndiyo nthowa. Wonani, rutirizgani ichi, iwe wachita ichi nkhanira ndendende, umo ndimo ichi chikwenera kuti chichitikirenge. Imwe nthā mutondekenge kuchipulikiska ichi.

Kasi ise tikuchita ichi munthowa yiheni?

⁹⁴ Chara, iyi ndi nthowa yiweme yakuchitira icho. Rekani dongosolo lisungiririke! Chifukwa ichi kaŵirikaŵiri ndi... Sono, wana wachokoŵachoko na wamama, twabonda

tuchokotuchoko na vinthu, iwo—iwo wâlirenge, ndipo usange iwo wâfika pakulira chomene na kutimbanizganga mliska winu kumtunda kula, imwe kumbukirani, imwe ndimwe wâvikiliri wâkhe, imwe ndimwe wâvikiliri wâkhe wâ Ivangeli. Mukuwona? Ndipo usange ichi chikutimbanizga uthenga wa Fumu, ntheura imwe ndimwe madikoni, kasi imwe muchite vichi? Ngati ndi, munthu wakuyowoya malilime, iyo ngwakukakamizgika. Ndipo munthu kupharazganga, iyo ngwakukakamizgika ku Mazgu, iyo ngwakukakamizgika ku vinthu ivi. Waliyose wa imwe ngwakukakamizgika ku ntchito, ndipo icho ndi—ndipo icho ndicho ise—ise tiri kuno kuti tichite.

⁹⁵ Sono, ise ntha tikukhumba kuti tilindizge nyengo yitali, ndipo ine nkhumanya ine napangana kukumana na munyakhe mu maminiti ghachoko, ntheura ine—ine ndiyezgenge waka kuti ndifulumire chomene umo ine ningachitira.

M'bale Branham . . .

Pali ghatatu, mafumbo ghaŵiri pa kadi ili apa.

M'bale Branham, kasi ndondomeko ya kutorera wânthu vyawanangwa yiwe uli mu tchalitchi? Kasi ichi chichitike uli?

⁹⁶ Ine nkughanaghana kuti kutoreranga wânthu vyawanangwa mu tchalitchi ntha kungachitikanga pokhapokha ivi ndi vya mliska winu. Ndipo ine nkughanaghana kuti usange munyakhe wafika wakupenja kuvwirika, panji chinyakhe ngati icho, kuti . . . Panji munyakhe wali—wasoŵerwa chomene, ngati yumoza wa mamembara ghithu muno, gulu lithu, mwachiyerezgero usange yumoza wa wabale wîthu, ndipo iwo wâli na suzgo linyakhe; inya, ine ntheura nkughanaghana kuti icho chikwenera kuti chilengezeke pa gome, ndipo rekani mliska wachite icho, ine nkughanaghana kuti iyi ndi ntchito yakhe kuchita icho; m'bale munyakhe uyo wasoŵerwa chinyakhe, rekani iyo wachipereke ichi ku mpingo, usange ichi mukukhumba kuti chichitike munthowa iyi.

⁹⁷ Usange ndi munyakhe wasoŵerwa ndipo—ndipo ntheura imwe ntha mukukhumba kumutorera chawanangwa munthu uyo wasoŵerwa, ntheura rekani magulu ghakumane pamoza ndipo wâzomerezgane pa ndalama zinyakhe izo iwo wâkukhumba kuti wâpereke kwa munthu uyu kufuma ku thumba la mpingo. Kweni usange thumba ndakuchepa pa nyengo yira ndipo iwo wângakwaniska chara kuchita ichi, ntheura ichi chikwenera kuti wâghanaghanepo, inya, rekani—rekani . . . rekani magulu ghakambirane ichi, kupereka dongosolo kwa mliska, ndipo rekani mliska wapemphe chifukwa cha chinthu chinyakhe ichi. Kutu, “Sono, usikuuno (M'bale wîthu Jones, iyo wakaŵa na—ngozi yakofya, nyumba yakhe yaphya.), ndipo usikuuno, ngati Wakhrîstu, ise tichitirenge pamoza, kwa waliyose wa ise wapangane pa icho ise tingachita kuti timovwire M'bale Jones kuwezgeraposo nyumba yakhe.” Wonani, panji—

panji chirichose icho chiripo. Wonani, ise tikwe- . . . ise tichitenge icho. Rekani icho chiyowoyeke kufuma pa gome, iyo ndi nthowa yakuchitira icho. Ndipo ntheura rekani mapangano ghatoreke, ndipo ntheura perekani kwa msungichuma wa pa mpingo. Ndipo mapangano agha ghaperekeke kwizira kwa msungichuma pa mpingo, na kupereka kwa iwo. Ndipo—ndipo mupasani munthu risiti pa ichi, chifukwa ine ntha nkhumanya kwali iyi yikudumulika msonkho panji chara; ine nkhusachizga ichi ndi chinyakhe ngati icho.

⁹⁸ Sono, kweni para ichi chafika ngati ku a—mlendo wafika, mlendo wafika ngati iyo ndi . . . Munthu wafika ndipo wakuti, “Inya, imwe mukumanya kasi? Ine—ine—ine ndiri pa ulendo ndipo ine naswa tayara, ndipo ine nkhuumba tayara liphya. Nditorerani chawanangwa ine usikuuno kuti ndigure tayara liphya.” Sono, icho chingachitikanga chara. Chara, icho chingachitikanga chara. Ndipo usange ichi chikuwoneka kuti—usange ichi chikuwoneka kuwa chinthu chakwenerera, za munyakhe uyo imwe mukumumanya, gulu lingamanya kukumana na kusachizga figara linyakhe la ndalama kufuma ku thumba kuti wamugulire munthu yura tayara panji chirichose icho chikawako. Panji munthowa yinyakhe usange thumba la mpingo ndakuchepera, ndipo ichi chasachizgika na gulu kuti ivi . . . Mliska ntha wangaŵanga na chakuchita pa ichi, a—madikoni ndigho ghakwenera kuti ghachite ichi, wonani, panji magulu ghose. Ndipo usange ichi . . . Usange ichi chazomerezgeka, ntheura phalirani mliska, mliska wangamanya kusonkhaniska chawanangwa. Kweni, wonani, usange ndi mlendo, ichi ntha luwiroluwiro, munthu wakukhumba ndalama pachoko ndipo imwe mukuwona kuti ichi ndi chifukwa chakwenerera, (sono ichi ndi lingaliro lane), usange ichi ndi chifukwa chakwenerera ndipo imwe mukumanya ichi ndi chifukwa chakwenerera . . .

⁹⁹ Sono, chakudanga, usange imwe mungaruta kumtunda kula na kulaŵiska pa dongosolo la ndalama zane ku nyumba, za ŵanthu kwizanga kuzakapokako na kuti, “Ine ndine Mliska *Wakuti-na-wakuti* kufuma ku mpingo uwu *wakuti-wakuti*, ndipo ine—ine nanguŵa na suzgo linyakhe pa msewu apa, ndipo ine—ine nkhuumba matayara ghose,” ndipo wamanya kuti ine ndafika waka kufuma ku ungoro ndipo nkhaŵa na chawanangwa, panji chinyakhe chapadera ngati icho, ine nkhumanya kupereka ichi kwa iyo, pafupifupi, kuti warute wakagure matayara ghose. Ndipo kulaŵiska mu ndondomeko, ntha wakaŵako mupharazgi ngati yura, ntha wakakhalako ku malo ngati ghara. Ndipo pali teni panji twente sauzandi dolazi pa dongosolo la ndalama kufumira virimika ivi izo ine nkhupeka ngati ntheura, ntha nkhamanya chirichose za iwo uko iwo ŵakaŵa. Nkhati ndafufuza, wapharazgi wanyakhe ŵakuti, “Chifukwa, iyo wakandipangira ine *chakuti-na-chakuti*

ndiposo *chakuti-na-chakuti*.”

¹⁰⁰ Sono, mpingo nthu uli na ntchito, kweni pa wákhe pera. Uwo mbunenesko. Wawo pera, iwo wáli na ntchito.

¹⁰¹ Kweni usange pakuwoneka kuti pali chifukwa chakwenerera, ndipo nthu usange imwe, usange imwe, a, usange imwe mathrastii panji mungayowoya, “Inya, sono lindizgani miniti pera. Munthu uyu, iyo *wali* apo, galimoto yakhe kusika kula, ichi chiriko, chikachitika nadi, ndipo *ichi*. Ichi nthu ntcha wa gulu lithu, wonani, kweni ichi chiriko.” Ntheura usange iwo wákukhumba kuchita ichi ngati nthu, ndipo wángamanya kuyowoya chinyakhe chapadera za wakuwaro . . .

¹⁰² Nthu wíthu pera, sono, wonani, nthu wánthu wíthu pera, wánthu wíthu pera kuwasonkhaniskira nkhanira muno pakati pa wawo—wawo wékha, wabale wawo muno, wonani.

¹⁰³ Kweni usange ndi munyakhe kuwaro, ndipo munthu wakuti iyo wali na njara panji. . . ndipo munyakhe wakukhumba kuti watore mu thumba lakhe na kupereka kwa iyo wovwiri wakhe, icho chiri kwa iwe, kweni ine nkuyowoya za vya kufuma mu tchalitchi. Ndipo nthu usange wánthu wá mu tchalitchi *wafumbika* kuti wáperere, nthu. . .

¹⁰⁴ Sono, usange imwe muli na muneni, nkhumanya, wakupharazga kuno, nthu imwe mutore . . . imwe . . . icho chamanyikwa pambere iyo wandafike, imwe mukumanya, kuti imwe mumupasenge iyo chawanangwa, panji kumulipira iyo malipiro, panji chirichose iyo wakukhumba kuchita.

¹⁰⁵ Kweni pamanyuma usange munthu uyu wali kuno, ndipo ichi ndi chifukwa chakwenerera, ndipo mliska . . . ndipo magulu ghakukhumba kuzomerezga na kuphalira mliska za ichi, nthu rekani mliska wayowoye, “Munthu munyakhe *wakuti-na-wakuti* wali muno, ise tikumumanya chara munthu, iyo wafika ndipo watipempha kuti . . . iyo wakuti wána wákhe wáli na njara. Ise tilije nyengo . . . ise tanguwávayve nyengo kuti tifuluzire a—a—a—a—izo wakukhumba.” Mukuwona?

¹⁰⁶ Usange chiriko chinyakhe ngati icho, nthu withu—withu . . . Usange chiripo chinyakhe pakati pa ghithu ghekha, ghithu—madikoni ghithu gharute ghakafufuze ivyo wakukhumba. Mukuwona? Ndipo nthu usange ichi ntchakwenerera, nthu chitani ichi. Usange ichi ntchakwenerera chara, kuchita chara ichi, nthu mungachitanga ichi. Kweni sono usange ndi munthu muno, imwe—imwe zomerezgani mliska wayowoye, “Sono, gulu la mathrastii landiphalira ine kuti iwo wákumumanya chara munthu uyu. Kweni munthu wali mwenemuno, iyo wakuti zina lakhe ndi Jim Jones,” panji chirichose chingamanya kuwako, “ndipo iyo wali nkhanira mwenemuno. Kasi imwe mungayimirira, Mr. Jones? Sono, Mr. Jones, pa umaliro wa chisopo, imwe muyimirire waka ku muryango wa kunyuma uko, apo imwe mukufuma kuwaro.

Ndipo usange mwaŵanthu ŵanyakhe mwakhwaskika mu mtima winu, panji chirichose icho imwe mukukhumba kumuchitira munthu uyu, perekani kwa iyo apo imwe mukufuma kuwaro.” Kasi icho chapulikikwa, sono?

¹⁰⁷ Kasi imwe mukachipulika icho pa yinu? Kwa iwo ŵeneawo ŵali pa tepi. . . Ndipo yumoza wa. . . M'bale Collins wakachiphonya ichi pa tepi yakhe. Ine nkukhumba kuti ndiwerezgerepo mazgu agho usange. . . chifukwa iyo ndi yumoza wa madikoni.

¹⁰⁸ Usange—usange wangaŵako munyakhe wa, munthu yumoza wafika uyo imwe. . . ndipo iyo wali mu suzgo ndipo iyo wakukhumba chawanangwa ku mpingo, rekani mathrastii panji madikoni ŵakumane pamoza, ndipo rekani. . . ŵakumane pamoza, ndipo ŵapange chigamuro ichi, ndipo pamanyuma ŵamuphalire mliska kuti ichi chingamanya kuchitika ngati *ntheura*. Rekani iwo. . . Rekani mliska wayowoye kuti “Munthu munyakhe uyu,” wamuzunure zina iyo, “ise tikumumanya chara iyo. Ndipo mwambo withu kuno ngwakuti ise tifufuze pambere ise tindaŵasonkhaniskire vyawanangwa ŵanthu, ndipo, ndiko kuti, vya ŵithu ŵekha. Kweni munthu uyu apa, iyo wakuti iyo walije kalikose, iyo wali na suzgo, iyo wali na ŵana ŵarwari, iyo, wakuyezga kuŵapenjera mankhwala ŵana ŵakhe,” panji chirichose icho chingamanya kuŵako, suzgo. “Sono, iyo wayimirira nkhanira apa, Kasi imwe mungayimirira, bwana?” Wonani, ndipo rekani iyo wayimirire. Ndipo yowoyani, “Sono mwaŵanthu imwe mukuwona kasi. . . icho iyo wali. Sono, pa umaliro wa chisopo ichi munthu uyu wayimirirenge apo pa muryango wakunthazi, ndipo ŵanthu pakufuma kuwaro, awo ŵakukhwaskika kuti ŵakukhumba kuperekapo pa ichi, imwe muli ŵanangwa; ise tangulengeza waka ichi mu tchalitchi.” Imwe ntha mukukhazikiska ichi, imwe mukulengeza waka ichi. Wonani, icho ndi chisungusungu kwa mlendo. Mukuwona? Mwapulikiska sono? Viri makora.

¹⁰⁹ Ine nkughanaghana kuti icho chikuzgora fumbo ilo.

Viri uli vya matepi? Sono. Umo. . . Viri uli vya matepi? Ili ndi fumbo. Umo, ŵanandi ŵakulemba ku ofesi na kumususkani imwe pa kachitiro pa matepi. Kweniso, za ŵanyakhe ŵazungulira mpingo ŵakuguliskanga matepi, usange Mr. Maguire ŵakwenera kuti waperekenge msonkho pa igho.

¹¹⁰ Viri makora. Matepi ghakupangika pa mugwirizano. Ndipo usange ine. . . Ine ntha nkhumanya ndendende apo mugwirizano umalirenge, kweni mathrastii, ichi ntcha mathrastii; madikoni yayi; mathrastii; mliska yayi, mathrastii. Mathrastii, ndi ŵeneawo kanandi, iwo—iwo ŵakulemba mugwirizano, umo ine nkhumanyira ichi. Ndipo usange ichi—ichi ntchakwanangika, ntheura mathrastii ghakunozgapo. Mathrastii ghali kupulikana

na munthu uyo wakupanga matepi, ndipo matepi ghakupangika pa chilorezo.

¹¹¹ Kulije munyakhe wangamanya kupanga matepi pokhapokha ichi chazomerezgeka na munthu uyo wali na chilorezo, ndipo igho ghangaguriskika chara pokhapokha chizomerezgeke na munthu uyo wali na chilorezo, chifukwa ilo ndi dango, wonani, ilo chilorezo ichi chiri nalo. Mukuwona? Ndipo usange chi-... uyo wali na chilorezo wakukhumba kumuzomerezga *Wakuti-na-wakuti* wapange matepi, icho chiri kwa iyo. Usange iyo wakukhumba kuzomerezga waliyose wapange matepi, icho chiri kwa iyo; iyo wakukhumba waliyose waguriskenge matepi, icho chiri kwa munthu uyo wali na chilorezo. Iyo wakwenera kuwa na a—kakalata kachoko kakulembeka kakusayinika na mweneko wa chilorezo, kuti wapange na kuguriska matepi, chifukwa iyo ngwakumanyikwa mu dango. Chifukwa usange iyo nthu, munthu, wali na chilorezo pa ichi... Iwe pakuwa wakuzomerezgeka, iwewekha, kuti a...(Usange kukaŵenge a—munthu mukhuruku uyo wakhumbanga kupangiska chipwirikiti, iyo nadi wangamanya kuchita ichi.) iwe wajanda chilorezo chira, chifukwa icho chiri ngati waka kukopera, wonani, chinthu chenechira. Iwe nthu ukuzomerezgeka kuchita ichi; ndi mlandu ukuru chomene kuchita icho.

¹¹² Ntheura usange ŵanthu ŵakupanga matepi, panyakhe iwo ŵazomerezgeka na Mr. Maguire uyo—uyo wali... uyo—uyo ŵakupokera misonkho pa matepi. Ndipo sono... ndipo ine nkhumanya chara za icho, chifukwa ine nthu nkhuwa kuno nyengo yikuru na imwe kuti ndimanye kasi vinthu ivi ndi vichi, na uyo wakuyowoyeka apa. Ine nkhusachizga kuti Mr. Maguire wali nacho ichi, chifukwa kuwaro kula, ine nkhuwa mu California panji Arizona, uko ine nkhuwala, ine nkhuwulika kuti iwo ŵachali kugura matepi ku California. M'bale Sothmann, dada-vyara wa Mr. Maguire, uyo ndi m'bale withu muno mu tchalitchi. Ine nkughanaghana kuti Mr. Maguire wachali nacho ichi, a—chilorezo pa ichi.

¹¹³ Ndipo sono, kuli kuwako madandaulo kufuma kale pa kupanga matepi. Sono, usange pali dandaulo pa chirichose kukhwaskana na ndalama za mpingo uwu, mbakukakamizgika mathrastii kuti ŵawone kuti chinthu icho chanozgeka. Mukuwona? Nthu chingaŵangako, munthowa yiriyose, pa chirichose.

Sono imwe wonani apa, ichi chikuyowoya pa kadi uyu apa, kuti:

Iwo ŵakulemba ku ofesi ndipo ŵakumususkani imwe.

¹¹⁴ Mu unenesko, ine ndiri kupokera makalata ghanandi pa ichi, ndipo ŵakukhumba kumanya chifukwa icho iwo ŵakutondekera kupokera matepi ghawo. Sono imwe manyani mugwirizano winu na uyo wali na chilorezo, umo

ine nkhopulikira...Matepi, ine—ine nkukhumba kuchita chirichose chara na iwo, inendekha, usange munyakhe waliyose wangagwiriska ntchito matepi pakutandazga Ivangeli, “Amen!”

¹¹⁵ Kweni, pakudanga, M'bale Roberson na iwo wakayamba kupanga igho, M'bale Beeler na wanandi wa iwo wakayamba kupanga igho; ndipo pamanyuma wanyamata wawiri, M'bale Mercier na M'bale Goad, wakapanga igho virimika vinandi; ndipo, nkhumanya, para munthu waliyose wakati wapanga igho, kuli kuwako madandaulo pa waliyose wa iwo. Kweni, ichi chawoneka apa mwasonosono, kuli dandaulo likuru chomene za kuleka kupokera matepi ghawo. Wanthu wakundiymbira ine kufumira kusirya kwa charu. Ndipo nthura ghanyakhe, pakuwa, matepi ghakuchita kujamburika agho ghayimbenge chinthu chimoza nyengo yimoza, na kujamburiraso yinyakhe, chinthu chinyakheso, ndipo pamanyuma iwo ntha wakupulikiska nanga ndi icho igho ghali.

¹¹⁶ Sono, wanthu awa wakugura matepi agha wakwenera kuti wapoke tepi yeneko. Ine nkhopwerera chara icho iwo wakwenera kuchita kuti wayisange iyi, ise tikukhumba kuwona kuti makasitomala ghithu na wabale withu (weneawo ndi makasitomala ghithu ndiposo wabale withu, wanyakhe nthura), iwo wakwenera kuwa na tepi ya “A-Nambala-1.” Sono, imwe mathrastii wonesekani icho, kuti wanthu awa wakhutira. Usange wandakhutire, ndalama zawo zikwenera kuwezegeka kwa iwo mwaluwiro.

¹¹⁷ Ndipo munyakhe wandiyimbira ine, ndipo iwo wakuti wakhala wakulindizga matepi myezi na myezi. Sono, ine nkhumanya chara umo M'bale Maguire wakuchitira ichi. Ine—ine nkhumanya chara za icho, umo ine ntha nkhumanyira kalikose za ichi. Ndipo ine...Ndi ntchito yane chara kumanya kalikose za icho, ndi ntchito yakhe na iwo na mathrastii. Ndipo ine ntha nkhuvezga kunjiriramo mu ichi, kweni ine nkhumuphalirani waka imwe icho dango la ichi liri. Mukuwona? Dango la ichi ndakuti matepi agha, kufumira nyengo apo iwo wakughatumizgira igho, matepi ghara ghakwenera kuwa pa msewu zuwa limoza, panji ghatatu, panji ghanayi, panji mazuwa fayivi; pamanyuma pakuti iwo waghachemeska matepi agho, ichi chikwenera kuchitika panji chilorezo chingamanya kulekeskeka nyengo yiriyose para marango agha ghakurondezegeka chara. Mukuwona?

¹¹⁸ Sono, ndipo myezi yiriyose sikisi panji chirimika, ichi chikwenera kuti chinozgekeso, mugwirizano uwu ukwenera kuti unozgekeso. Imwe mukwenera kuti mukumane pa deti *linyakhe* ili apo chilorezo ichi chikuyowoya kuti imwe mukwenera kukumana. Ndipo nthura ichi chikwenera kuti, ndikokuti, wanthu wanyakhe wakwenera kuti watorepo gawo pa nyengo yira, ndipo imwe mukwenera kumanyiska wanyakhe awo

ŵakhala ŵakufumba za matepi, ndipo ŵatorepo gawo na mugwirizano wawo na kukhala pasi na kudumbirana ichi.

¹¹⁹ Sono, marango agha ghakwenera kuti ghachitike! Mukuwona? Ndipo ichi chikwenera kuti chichitike makora, chifukwa ichi ŵakuchidandaula. Iwo ŵakadandaula na Leo na Gene, iwo ŵakadandaula na waliyose, ndi dandaulo na M'bale Maguire, ndipo ili lizamkuŵa dandaulo na munyakhe waliyose, kweni tiyeni tifufuze kasi ŵakudandaula vichi.

¹²⁰ Sono, kweni para matepi ghayamba kuwunjikana, makatoni gha igho, makalata ghanandi kwizanga, ndipo iwo . . . Wonani, ichi nthā chikuwerera kwa wakupanga matepi, ichi chikwiza kwa ine. Iwo nyengozose ŵakularatira ine za ichi. Sono, ndi ntchito yane ngati Mukhristu kuwoneseska kuti ŵanthu ŵakupokera icho iwo ŵagura, ndipo ine nkhukhumba imwe mathrastii kuti muwoneseske kuti iwo ŵapokera ichi. Usange iwo ŵakukhumba kukwezga mtengo, ŵasange tepi yiweme, ŵasange machini ghaweme, ise tikukhumba munyakhe kuti wapange tepi yira uyo wakupanga iyi makora. Ichi ndicho tikukhumba. Tepi yikwenera kuti yipangike makora! Ndipo kasitomala wakwenera kukhutira, panji kulekeska chinthu chose ichi chakupanga matepi, ise nthā tiŵenge na matepi, tizomerezge waka waliyose wapange uyo wakukhumba kuchita. Kweni usange iwo ŵaguriskenge igho, ŵarekani iwo ŵawoneseske kuti iwo ŵakupoka icho iwo ŵagura, chifukwa icho ndicho Chikhristu. Icho nthā ntchinyakhe kuruska kuchita . . .

¹²¹ Ndipo para iwo ŵafika kuno kuzakategherezga ku Ivangeli, ine nkhukhumba kuti ndiŵapase iwo chiweme chomene icho ine nkhumanya umo ine ningaperekera kwa iwo, wonani, ndipo para iwo ŵafika kuno ine nkhukhumba imwe kuti muwoneseske kuti waliyose na chirichose chikuchitika makora. Ndicho chifukwa ine nkhumuphalirani imwe madikoni, mathrastii, na ŵaliska, kuno usikuuno, kuti imwe mukwenera kuti muchite ichi mwakufikapo, chifukwa ŵanthu ŵakwiza kuno kuti ŵasange Chiuta, ndipo ise tikwenera kuŵa na vinthu ivi mu dongosolo.

¹²² Ndipo kweniso matepi ghakwenera kuchita kughachemeska ku malo. Usange iwo ŵakukhumba kutchaja zinandi, usange iwo ŵali na matepi ghakugwiriskikapo ntchito ndigho iwo ŵakuguriska, nthēura sangani matepi ghawemiko. Usange iwo ŵakukhumba kutchaja zinandi pa igho, tchajani zinandi pa igho, rekani munthu wapoke icho iwo ŵagura.

¹²³ Ine nthā nkhukhumbapo msonkho uliwose, nthā kopala limoza, ndipo nesi kachisi wali na khumbiro; ine nkhukhumba chara kuti imwe muŵe nthēura. Nthā mungaŵanga na khumbo ilo, mu—mu kupokapo msonkho. Usange iwo ŵaperekenge zinyakhe, ine nkhusachizga imwe mukwenera kuti mutorepo kamsongho pachoko pa fundo yakuti igho ghakupangikira kuno.

Ine nkughanaghana kuti icho ndi chinyakhe iwo wakati, Mr. Miller, na iwo, za dango, ise tikaŵa nalo, kutorapo misonkho yinyakhe panji vinyakhe nthaura. Icho chiri kwa imwe mose kuti muwoneseske chikuchitika. Ine nthanda ndiri, na chakuchita chirichose na—na icho chiri kukhazikiskika pamoza; imwe mose muwoneseske icho chikuchitika. Ine nthanda ningakwaniska kuwonerera chose ichi, ine nkhumuphalirani waka imwe nthowa umo ichi chikwenera kuŵira na umo chichitikirenge. Kut... Imwe mwangupulikiska, ine nanguti, “ndimo chichitikirenge.” Nthaura ise tikukhumba kuti ichi chichitikenge makora.

¹²⁴ Ndipo usange iwo wakukhumbikwa kuŵa na machini ghaweme kuti wachitire ichi, nthaura sangani machini ghaweme. Usange ichi chikwenera kuŵa... Sono, ine nkhayowoya kwa iwo, ine nkhati, “Uliwose unga... nthito yiriyose ine nkhiruta ku katumikira, pambere ine nindarute, ine ndimumanyiskaninge imwe maupharazgi agho ine ndamkupharazga kudera kula, chinyakhe icho ine ndiri nacho kale...” Ndipo ine nkhamulayizgani imwe mose, cheneicho ine ndizamkuchitoraso pa Sabata usiku, kuti “Pambere ine nindapharazge uthenga unyakhe uphya, ichi chikwenera kuti chifumire danga mu kachisi uyu, chifukwa iwo wakuwoneka kuti wakujambura makora.” Imwe mukukumbukira icho? Nthaura icho ine nkhwizira kuno, kuzakapharazga mauthenga ghane, nthaura ine nkhuŵama nkhiruta na kumumanyiska munthu wa matepi za visopo. Iwo wakundifumba ine, “Kasi ndi nga? Kasi imwe mupharazgenge vichi?” Ine nkhamuphalira iyo, “usiku *uwu* ine ndiŵenge na *wakuti-na-wakuti*, usiku *uwu*, *wakuti-na-wakuti*,” nthaura iwo wangaŵa kuti wapanga iyi ndipo mbakunozgeka kuti kasitomala wangatorera iyi nkhanira kwenekeka; kuŵa nkhanira na yawo iyi, tepi yiwemiko kuruska iyo iwo wali nayo uko mu ungano, chifukwa iyi yapangikira nkhanira pano pa kachisi uko saundi yikupulikikwa makora. Mukuwona?

¹²⁵ Sono, sono tikuruta mu uneni ukuru uwu, icho ine ndichitenge sono kusirya kwa nyanja na vinthu, ine ningapangana chara icho, imwe wonani, ine ningapangana chara kuti ine ndizamkupharazga uthenga wane wakudanga kuno. Chifukwa para iwe ukupharazga kunyakhe, mauthenga, iwe ukwenera kuŵa na chinyakhe icho ndi... ichi chikufika pa kukubowa iwe, ndipo ichi chikwenera kuŵa chakubowa kwa iwo awo wakutegherezga ku ichi. Iwe ukwenera kuchita chinyakhe chakulekana, imwe wonani, ndipo perekani waka apo Uthenga uli *kula*. Kwene warekani iwo wawike machini kwa kukatumikira, panji chirichose icho chiriko, icho chijamburenge matepi agha makoraghe.

¹²⁶ Ndipo pangani tepi yiweme, ndipo tepi yiriyose kuyiwerezga na kuyisanda pambere iyi yindarute, panji rekani waka chinthu chose; nthanda mungaŵanga nanga ndi kalikose kakuchita, rekani

munthu waliyose wapange tepi yakhe yekha. Mukuwona? Kweni chitani ichi makora, wonani, mwakuti dandaulo ili limare. Ise ntha tikukhumba madandaulo ghalighose ng’o. Usange liripo dandaulo, tiyeni tichitepo kanthu pa ichi, ntheura ise tiwenge kuti tamalana nalo ili.

¹²⁷ Sono, ine ndifulumirenge nkhanira mwaluwiro umo ine ningachitira. Billy wali na mafumbo pafupifupi ghaŵiri panji ghanandi apa, panji ghatatu, ntheura ise timalizgenge.

Kufika nkhu, M’bale Branham, panji kasi dikoni wakwenera kufika nkhu pa kusungiska dongosolo mu mpingo? Kasi ise tisungiske dongosolo panji tilindizge mpaka M’bale Neville watiphalire ise chakuti ise tichite?

¹²⁸ Iyo ntha ndi ntchito ya M’bale Neville, iyo ndi ntchito yinu. Mukuwona? Imwe ntha mukumuphalira M’bale Neville chakuti wapharazge, umo wangapharazgira ichi. Wonani, iyo ndi ntchito yinu, imwe madikoni, imwe mukwenera kuti muchite icho. Imwe muwoneseske icho chikuchitika makora. Icho ntha ndi cha M’bale Neville, iyo ndi ntchito yinu. Mukuwona?

¹²⁹ Sono, usange wapolisi wali kuwaro kuno pa msewu ndipo iyo wakuwona munthu wakwiba katundu kunyuma kwa galimoto, kasi iyo wafonere mulara wa msumba na kuti, “Sono, Abwana, Mwaŵakuchindikika, bwana, ine nkhwigwira ntchito yinu kuno ya upolisi; sono, ine nasanga munthu kumtunda pa msewu apa, iyo ndi—iyo wibanga matayara kufumiska ku galimoto usiku wajumpha; sono, ine nkhwifumba waka, kasi imwe malingaliro ghinu ngakuti uli pa icho?” Nhu! Mukuwona? Wonani, icho ntha chingawa chazeru. Kasi chingawa ichi? Chara, bwana. Usange iyo wachitanga chinyakhe chakwanangika, mumangani iyo.

¹³⁰ Ndipo usange munthu wakuchita chinyakhe chakwanangika muno mu tchalichithi, panji munyakhe waliyose, ŵarekeskani iwo, ŵayowoyeskani iwo. Mungachitanga mtafu; kweni usange iwo ŵangapulikira chara, yowoyani mu nthowa yakuti iwo ŵamanye icho imwe mukuyowoya. Mukuwona? Wonani, ngati ndi para imwe mukumuphalira mwana, kuti, “Ruta kunyuma kula,” ndipo iyo wakusuzga. Madikoni, khalani pa malo ghinu! Wíkani... Mulipo ŵanayi ŵa imwe, khalani ŵaŵiri kunthazi ndipo ŵaŵiri kunyuma, mu makona agha panji malo ghanyakhe ngati ntheura. Ndipo mulaŵisiske nkhanira mwatcheru, ŵakusuzga na chinyakhe chirichose chingafika ngati ntheura, imwe woneseskani. Ndipo imwe muŵe tcheru, imwe mufike pa malo ghinu gha ntchito ndipo khalani penepapo, uwo ndi mpando winu; panji yimirirani nkhanira mumphepete mwa chipupa ndipo laŵiskani waliyose wakunjira.

¹³¹ Dikoni wakuvikirira nyumba ya Chiuta. Munyakhe wafika, ŵayowoyeskani iwo; muŵe apo kuŵatauzga iwo, koraniko chasa chawo. Icho ndi, iwe ndiwe wapolisi, “Kasi ise tingamuwoneskani chipinda chakupumuliramo?” panji “Kasi

imwe mukukhumba kukhala pasi?” “Kasi ise tingamupasani imwe buku la sumu panji chinyakhe?” panji “Sono ise tikukhumba kuti imwe muŵe ŵakukondwa muno, ndipo—ndipo pempherani, ndipo—ndipo ise takondwa imwe muli kuno pamoza nase usikuuno.” Ŵarongozgerani iwo nkhanira ku malo, na kuti, “Kasi imwe mukukhumba kuŵa kufupi panji imwe mukukhumba kuti mukhale kunyuma kuno?” panji kunyakhe kulikose. Icho ndi chisungusungu.

¹³² Wapolisi (panji dikoni) ndi msirikali wapolisi ku gulu la ŵankhondo, waulemu, kweni ndipouli wamazaza. Mukuwona? Imwe mukumanya icho msirikali wapolisi wali, wakuchita nadi, usange iyo wakwendeska makora ntchito yakhe, ine nkughanaghana kuti iyo wali ngati mliska. Imwe mukuwona? Ndi ulemu na chirichose, kweni iyo wali na mazaza. Wonani, imwe mukwenera kumuchindika iyo. Wonani, iyo wakuŵika. . . Ŵambura kumanya aŵa ŵakuruta kuwaro kula na kuroŵera, chifukwa, iyo wakuŵaŵika iwo mu malo ghawo. Ndipo ntheura ndimo waliri dikoni kuŵaŵika iwo mu malo ghawo.

¹³³ Sono, kumbukirani, dikoni ndi wapolisi, ndipo ofesi ya dikoni njakofya chomene kuruska ofesi yinyakhe yiriyose mu mpingo. Ine nkhumanya chara za ofesi yinyakhe yiriyose yakofya kuruska ofesi ya dikoni. Uwo mbunenesko, chifukwa iyo wali na—iyo wali na ntchito yeneko, ndipo iyo ndi munthu wa Chiuta. Iyo ndi munthu wa Chiuta kuyana waka ngati ndiumo mliska waliri munthu wa Chiuta. Nadi, iyo ndimo waliri. Iyo ndi muteweti wa Chiuta.

¹³⁴ Sono mathrastii, chinthu chimoza pera, iwo ŵali pa ntchito kwa Chiuta kuti ŵalondere chuma chira na kupwererera icho, vinthu ivyo vikuchitika ngati ntheura. Ine nangumuphalirani imwe za matepi ghara, na—na za vinthu vinyakhe kuno ivyo vikuchitika, za nyumba na kuyinozgangaso, na kusonkhaniskanga ndalama na vinthu, icho ndi—icho ndicho iwo ŵakuwonerera: katundu, ndalama na vinthu. Madikoni ghalije kanthu kakuchita mu icho. Ndipo nesi—thrastii wali na chinthu chirichose chakuchita mu ofesi ya dikoni.

¹³⁵ Sono, usange madikoni ghakukhumba kupempha wowwiri kufuma ku mathrastii pa chirichose, panji—panji mathrastii kupempha madikoni, ndipo imwe mose mukugwira ntchito pamoza. . . Kweni izo ndi ntchito zinu, ndi kuzipaturanga izi. Mukuwona? Viri makora.

¹³⁶ Sono, chara, nthu mungafumbanga M’bale Neville. Usange M’bale Neville wakumupemphani imwe kuti muchite chinyakhe, ntheura icho ndi—icho ndi mliska winu, na ulemu na chitemwa na chirichose. . . Usange iyo wangati, “M’bale Collins, M’bale Hickerson, M’bale Tony, panji munyakhe, kasi iwe ungalawiska icho chanangika kunyuma uko pa kona?” Pa malo gha ntchito

ngati ntheura, imwe mukumanya, ngati munthu mweneko wa Chiuta.

¹³⁷ Kumbukirani, imwe nthā mukusewēzera Branham Tabernacle, nesi imwe mukusewēzera M'bale Neville panji ine, imwe mukusewēzera Yesu Khristu. Mukuwona? Imwe. . . Icho ndicho Imwe muli kwa. . . Ndipo Iyo—Iyo wakuchindika kupulikira kwinu mwakuyana waka umo Iyo waliri kwa mliska yura panji kwa munyakhe waliyose, Iyo wakukhazga kupulikira kwinu! Ndipo ise tikukhumba kuti tirongore kupulikira kwithu.

¹³⁸ Sono, nyengo zinyakhe ichi chikuwa chinonono. Ndi chinonono kwa ine kuwona mupharazgi wakhala uyo ine nkhumutemwa na mtima wane wose, nkhuenera kuti ndimuphalire waka iyo; wonani, kweni mu nthowa ya chitemwa, ine ndiri nacho chawanangwa chakuti ndimovwirire iyo. Kweni, wonani, ndipo iwo wakwiza kwa ine ndipo wakuti, “M'bale Branham, iwe ndiwe munthu muweme, kasi iwe ungapuskako chara pachoko waka pa ubapatizo ula, na pa *ichi*, *icho*, na *chinyakhe*, na chivikiliro icho, na mbewu ya serpente?”

¹³⁹ Ine nkuti, “M'bale, ine nkhekutemwa iwe, kweni tiyeni ise ti- . . . titore waka Lemba ndipo tiwone kasi ndinjani muneneska panji mutesi.” Wonani, ine nkhuenera kumanya kuti . . .

¹⁴⁰ “O, sono, M'bale Branham, ine nkhekuphalira iwe, iwe ndiwe mutesi chomene.” Wonani, wakukwera kuyowoyanga.

¹⁴¹ “O,” ine nkuti, “inya, panji ine ndiri ntheura. Ipo, usange ine ndiri ntheura, nadi (ndipo iwe undiphalire ine, iwe ndiwe . . . iwe ukumanya apo ine ndanangiska), ntheura iwe undirongore ine apo ine nkhunangiska.” Ndipo ine ndiri wakunozgeka kuchitora, wonani.

¹⁴² Chinthu chenechira, “Heyi, iwe ulije mazaza kumuphalira mwana yura kuti wakhale pasi.” Sono, dikoni ndi—ndi muvikiriri pa nyumba ya Chiuta. Mukuwona? Sono usange imwe. . . Iyo wakupwererera nyumba ya Chiuta na kuyisungirira iyi mu dongosolo. Icho ndicho Lemba likuyowoya, ndipo usange imwe muli na chinthu chinyakhe chakuti dikoni wachite, imwe mwize mundiphalire ine. Wonani, apo pali chinthu chenechira, kweni iyo—iyo ndi ntchito yinu kuchita icho, inya, vwirani waka.

¹⁴³ Ndipo imwe nthā mungafumbanga waliyose, iyo ndi—iyo ndi ntchito waka yinu. M'bale Neville nthā wakufumba waliyose, mpingo nthā ukwenera kufumba. . . Ine nkhung'anamura, a— a mathrastii nthā ghakwenera kuruta kukafumba M'bale Neville usange iyo—iyo wakukhumba denga liwikike pa kachisi. Mukuwona? Chara, chara, icho nthā chiri na chakuchita kwa M'bale Neville, nthā chirichose kwa ine, icho chiri kwa imwe. Madikoni nthā ghakwenera kuti . . .

¹⁴⁴ Kachitiro kenekara kwa mliska. “Kasi iwe upharazgenge chivichi? Ine nkhekumba chara iwe kuti uchite *ichi*.” Iwo

ŵaliye mazaza kuyowoyanga icho, iyo wakurongozgeka na Chiuta, wonani, mliska wawo. Ndipo ntheura usange—usange—usange. . . M'bale Neville, wapharazga uthenga uwo Fumu yapereka kwa ise, ndipo ise tose pamoza tiri mu ichi. Ndipo usange ine nkhumuphalira M'bale Neville chinyakhe chakwanangika, Chiuta wakunditora ine wakwananga pa ichi. Uwo mbunenesko. Mukuwona? Ntheura Chiuta ndi Bwana pa chose ichi. Mukuwona? Ndipo ise tikugwira waka ntchito ngati ŵakazembe Ŵakhe, imwe wonani, pasi pano mu maofesi agha.

Chonde ro . . .

Fumbo linyakhe, ndipo ntheura ine nkughanaghana kuti ise tiri na limoza lakhalako, ndipo ntheura ise—ise tilekezungenge.

Chonde rongosorani waka umo vyawanangwa vya malilime vikwenera kuti vichitikirenge mu mpingo withu. Ine ndiri kuchita ichi. **Kasi mphauli apo mpingo ungaŵikika mu dongosolo umo . . . panji uko vyawanangwa vikuchitikira?** Ise tachirongosora waka icho.

Kasi ngalinga m-a-k-h-r-i-s-m-a . . . Kasi imwe mungawona kasi icho ntchichi? [M'bale Billy Paul wakuti, “**Vyakuyimbira.**”—Munozgi.] O. **Vyakuyimbira. Kasi ise tikwenera kuŵa na vyakuyimbira vilinga mu tchalitchi padera pa chitoliro na piyano?**

¹⁴⁵ Inya, ichi chikutorera pakuti usange imwe mukaŵa na chakwimbira cha mawaya panji chirichose imwe mukaŵa nacho, imwe wonani. Ine nkhumanya chara ivyo imwe muli navyo, icho ili likung'anamura, ine nkhopulikiska chara ichi. Kweni chitoliro na piyano ndi katundu wa mpingo. Sono, usange mrongozgi wa sumu wanasachizga fundo ya kuŵa na mbata na mabaja na vinyakhe ngati ivyo, ndipo munyakhe wafika mu tchalitchi ndipo iwo ŵakulizga vyakuyimbira ivi. . . Ndipo iwo ŵali mu bandi, ndipo—ndipo ntheura, nkhumanya, ntheura icho ntcha mathrastii ghinu, kuti chizomerezgeke ichi na mathrastii ndipo ŵawone usange iwo ŵali nazo ndalama kuti ŵagure vyakuyimbira vyawo na vinyakhe ntheura, panji chirichose ngati icho. Ine nkhusachizga kuti ilo ndilo fumbo lawo.

¹⁴⁶ Kweni usange iwo ŵali navyo vyakuyimbira vyawo, ntchiweme. Usange iwo ŵaliye vyakuyimbira vyawo, ndipo iwo ndi membara kuno gha bandi, ntha munthu waka uyo wakwizako kuno na kuzakayimbapo kamoza pa nyengo, na kwendendekanga ngati ntheura, ili likwenera kuŵa bandi mu mpingo. Mpingo ntha ungamugurira a—a—mbata munthu uyo wakwimbira iyi muno ndipo machero usiku kumalo kunyakheso, na kumalo kunyakheso, na kwiza kamoza mu kanyengo na kwimbirapo pachoko. Chara, bwana. Ili likwenera kuŵa bandi nkhanira muno, bandi lakukhazikika na—mrongozgi, ndipo ntheura mpingo, uyowoye kwa iwo za kugura vyakuyimbira.

Chonde rongosorani waka umo ise ti...umo ise madikoni tingamanya kuwasungira wanthu mu kachisi pambere tindanjire panji para tafuma...Chonde rongosorani. [M'bale Billy Paul wakuwêrenga fumbo, "Kasi madikoni ghangawapanga uli wanthu kukhala chete mu kachisi pambere tindanjire na para tafuma mu tchalitchi?"—Munozgi.] O, viri makora.

¹⁴⁷ Ine nisachizge ichi, wabale. Sono, kuli chinthu chikuru. Nakhumbanga ise nthena tanguwa na nyengo yikuru kuti tichipereke ichi, pakuti ichi ndi—ichi ndi...ichi—ichi chikung'anamura chinyakhe kwa ise, wonani. Sono, mpingo ntha ndi...

¹⁴⁸ Usange imwe mukukhumba kuti...Usange imwe mukukhumba kuti muzakayiwerezge tepi iyi usiku unyakhe na kuyilizga iyi pambere maungano ghandayambike, mwakuti wanthu wazakapulikiske ichi, rekani iyi yilizgike; chigawa waka ichi cha tepi kweni ntha kulutirira, apa pera. Chigawa chirichose cha iyi icho imwe mukukhumba kupulikizga pa chinthu chinyakhe, rutirizgani waka kuyizungulizga iyi mpaka imwe muchisange ichi, ndipo nthaura muyilizge iyi. Wonani, chifukwa ndi mafumbo.

¹⁴⁹ Sono, madikoni pa mpingo, ndipo umo ine—umo ine nanguyowoyera, ndi wapolisi pa mpingo. Kweni tchalitchi ntha ndi nyumba yakukumaniranapo chirichose cha—cha wenenawene na ubwezi na kusewêrerapo. Tchalitchi ndi nyumba ya Chiuta! Ise tikwiza kuno...Sono, usange ise tikukhumba kuti tikumane yumoza na munyakhe, rekani ine ndifike ku nyumba yinu, imwe mufike ku nyumba yane, panji imwe murute ku nyumba ya yumoza na munyakhe ndipo mukakumane yumoza na munyakhe. Kweni kuti musewêre waka pa tchalitchi, na kuyowoyanga na vinthu ngati ivyo, ichi ntchiweme chara, wabale; ise tikwiza kuno, ise tikufumyamo chinthu chose mu malingaliro ghithu. Usange ise tingamanya kwiza kuno...

¹⁵⁰ Wonani umo ise tikachitiranga ichi virimika vya kunyuma. Mlongosi Gertie wakawa wa kwimba piyano. Para ine nkhachitanga uliska kuno, ine—ine nkhayenera kuwa mliska, dikoni, thrastii, chinyakhe chirichose pa nyengo yimoza, wonani, kweni ine—ine nkhayenera kuchita ichi. Sono imwe ntha mukwenera kuti muchitenge icho mu nthowa iyo, wonani, chifukwa imwe muli na wanthu wakuti wachite ichi. Kweni para...Ine nkhawa na wakundovwira, M'bale Seward na wanyakhe wose wa iwo pa muryango. Iwo wakawa na mabuku kuwunjikika kufupi uko pa muryango, wakhala mu mpando, panji chinyakhe, munyakhe. Ndipo para munyakhe wafika, imwe mukawarongora iwo malo ghakuti wapayikepo chikhoti chawo panji kuwawwira iwo kusanga malo ghawo ghakukhalapo, kuwapa iwo buku la sumu na kuwapempha iwo kuti "wawe mu kuromba." Ndipo nthaura waliyose wakakhala

mu mipando yawo ndipo mwakachetechete wapakemphera mpaka nyengo yakuyambira. Mukuwona? Ndipo nthaura pa nyengo yakuyambira, Mlongosi Gertie, wakuyimba piyano, wakaruta kwenekula ndipo wakayamba kwimba pambere... apo wanthu—wakwiza pamoza.

¹⁵¹ Ine nkhusachizga kuti muwe na wachitoliro winu warute kula na sumu yeneko yiweme. Usange iyo nthu waliko kuno, wikani iyi pa tepi ndipo muyilizge iyi, panji chinthu chinyakhe. Ndipo muwe nako kwimba, kwimba nadi kuweme kwakupatulika kuchitike. Nthaura...Ndipo wafumbani wanthu...Ndipo usange wanthu wakwamba kuyowoyowoya na kusuzganga ngati nthaura, rekani yumoza wa madikoni wafike ku mayikurofoni pa desiki ndipo wayowoye, “sh, sh, sh,” ngati nthaura. Wayowoye, “Pa kachisi pano, ise—ise tikukhumba kuti imwe mwize ku chisopo. Tiyeni tileke kupanga chiwawa sono, tegherezani ku kwimba. Sangani mpando winu, khalani pasi, muwe wantchindi wonani, pempherani panji werengani Baibolo. Ichi, mu kachisi muno, ndimo Fumu yikukhala. Ndipo ise tikukhumba kuti waliyose wa we nkhanira wakuchindika na wokusopa, nthu kuchimbirangachimbiranga, kuyowoyanga mu chisopo. Unganani mwa wene, ndipo imwe mukwiza kuno kuzakayowoya kwa Fumu. Mukuwona? Panji muwe mu kuromba mwakachetechete, wonani, panji werengani Baibolo linu.”

¹⁵² Para ine nkhati ndaruta ku mpingo wa Marble kumtunda kula ku...Norman Vincent Peale, imwe muli kupulikapo za iyo, imwe wonani. Ndipo ine nkhanjira...Mumanyi mukuru wa malingaliro, musambizgi, imwe mukumanya. Ndipo ine nkhanjira mu tchalitchi lakhe, ine nkhanghanaghana waka, kula, “ine nakhumbanga nthena kachisi wane wachitenge nthauraso.” Madikoni ghara kwimiranga nkhanira apo pa muryango para iwe ukunjira waka. Iwo, nkhumanya, iwo wakukupasa iwe kapepara ka Sande sukulu, wakukukhazika pasi iwe. Iyo wakachitanga kufumya katatu, imwe mukumanya, umo ukunjira pafupifupi foru panji fayivi handiredi, imwe mukumanya; ndipo New York ndi malo ghakuru, ndipo iyo ndi munthu wakumanyikwa. Ndipo ine nkhanghanaghana kuti iwo wakawanga na kalasi limoza pa teni koloko ndipo limoza pa eleveni, upharazgi weneula kuwuwerezgaso, chisopo chenechira ndendende, kapepara kenekara. Kweni para iwo wafuma, ndipo iwo wakawa (ine nkhangomezga) maminiti fayivi kuti tchalitchi liwe ndendende...Nthu wakawapo wakunjira mpaka iwo wafume, nthaura madikoni ghakajuranga nthowa ndipo mpingo unyakhe ukanjiranga. Iwo wakawa na mipando yakale iyi ukunjira, imwe mukumanya, iwo wakanjira ngati nthaura, na kukhala pasi mu mabenchi uko imwe mukuchita kujura muryango. Fashoni yakale, ili liri kuwa kula pa—pafupifupi virimika thu handiredi, ine nkhusachizga, tchalitchi lakale la

Marble.

¹⁵³ Ndipo imwe mbwenu mupulikenge kumbotoka kwa phini palipose mu tchalitchi lira, ndipo waliyose mu kuromba pafupifupi maminiti sate pambere kudoska kwakudanga kukaŵa kundachitike pa chitoliro, ya kujurira. Mukuwona? Ndipo waliyose nkhanira mu kuromba. Ine nkughanaghana, “Mwe umo ichi chiliri chiweme!” Ntheura para mupharazgi yura. . . Yakujurira yira, ya. . . Ine nkughanaghana kuti iwo ŵakayimba yakujurira yimoza pafupifupi maminiti ghatatu kufika ghankhonde, *Umo Imwe Muliri Wakuru*, panji yinyakhe ngati ntheura, kulutirira ngati ntheura. Ndipo ntheura para iwo ŵakati ŵachita, waliyose wakalekezga kupemphera, ŵakapulikizganga ku yakujurira. Wonani, ichi chikupereka kusintha, kufuma ku kupemphera kufika ku yakujurira. Ndipo ntheura para iwo ŵakati ŵayimba yira, ntheura mrongozgi wa kwayara wakarongozga ŵakwayara. Ntheura iwo ŵakaŵa na sumu ya mpingo *na* kwayara. Ndipo ntheura iwo ŵakaŵa ŵakunozgekeri kalasi lawo la Sande sukulu. Mukuwona? Ndipo pamanyuma—ndipo pamanyuma para ichi chikati chamara, ntha chikaŵapo chinyakhe chikalutirira kupatulako kusopa Kwauzimu, nyengo yose, ndipo icho ndicho ise tikurutira kula.

¹⁵⁴ Ndipo ine nkughanaghana kuti ichi chingaŵa chinthu chiweme usange mpingo withu. . . Ndipo ine nkhuwwoya waka ichi, ise, kalekale, ise tichitenge ichi. Mukuwona? Tiyeni tichite ichi. Usange munyakhe wakuchita chinthu chinyakhe, na kuyowoyanga, kuti, “Ine nkughanaghana kuti ichi chingaŵa chinthu chiweme.” Usange ichi ndi chinthu chiweme, ipo tiyeni tichite ichi. Mukuwona? Ise tikukhumba chara kujanda chinthu chinyakhe chiweme, ise tichitenge ichi, munthowa yiriyose. Mukuwona? Ndipo rutilirani waka ndipo—ndipo yimirirani apo ndipo—ndipo usange iwo ŵayambapo mlenji, panji chinyakhe ngati icho, ŵanthu kwizanga, zomerezgani waka yumoza, panji yumoza wa—yumoza wa madikoni, panji munyakhe warute kwenekula na kuti, “Ichi chiri kuzgoka dango mu kachisi muno. . .”

¹⁵⁵ Ine nkhumanya chara usange iwo ŵakuchita ichi, iwo panyakhe—iwo panyakhe. Ine ntha nkhuŵa kuno, imwe wonani, ine nkhumanya chara. Ine ntha nkhuŵa muno pambere chisopo chindayambike.

¹⁵⁶ Ndipo para iwo ŵanjira ndipo iwo ŵayamba kuyowoya, rekani munyakhe wanyamuke ndipo wayowoye, “Sh, sh, sh, kanyengo waka.” Mukuwona? Rekani—rekani. . . Torani mlongosi muchoko, muŵikani pachanya apo ndipo murekani iyo wayimbe sumu yira. Usange imwe mungachita chara, ŵikani ichi pa tepi ndipo muyipulikizgire iyi kwenekuko, wonani, sumu pa chitoliro. Ndipo muyowoye, “Sono ise tiku. . . Muli dango liphya mu kachisi. Para ŵanthu ŵakunjira muno, ise ntha tikwenera kutokotoskananga, kuyowoya, kweni kusopa. Mukuwona? Sono,

maminiti pachoko waka chisopo chiyambikenge. Kufika apo, wêrenganinge waka Baibolo linu panji sindamiskani mitu yinu ndipo mwakachetechete pempherani.” Ndipo nyengo zichoko ngati ntheura, iwo wose wâsambirenge. Mukuwona? Mukuwona?

¹⁵⁷ Imwe mwapulika munyakhe wakuyowoya, ntheura usange ichi chikumutimbanizgani, para pajumpha nyengo zichoko pamanyuma pa icho, para pajumpha kanyengo imwe mukufika ku malo uko munyakhe, wakuti, wonani munyakhe wakuyowoya, kulije munyakheso wakuyowoya, imwe wonani, inya, ntheura yumoza wa madikoni wanyamuke na kuti, “Ise—ise tikukhumba kuti imwe musopenge mu nyengo ya chisopo.” Imwe mukuwona? Mukuwona? Wonani, iyi nthā ndi nyumba ya kuchezeramo, iyi ndi nyumba ya kusoperamo. Mukupulikiska?

Ine nkughanaghana icho ndimo changuwira. **Chonde rongosorani...Inya. Tiyeni tiwone. Inya. Chonde rongosorani umo kuti...madikoni ghachitirenge...mu kachisi.** Inya, mbwenu lamara. Uwo mbunenesko. Ndicho ichi.

Viri makora, sono, apa pali limoza laumaliro.

M'bale Branham, para ise tiri na mwaŵi pa kwambirira kwa chisopo... Ine ndine—ine ndine...madanda-...Yayi,...ise tikaŵa na madandaulo...

Ili lalebeka na tuchokotuchoko chomene. Ndipo “**mukaŵa na madandaulo,**” ndi ntheura chara? [M'bale Billy Paul wakuti, “U-nhu,” ndipo wakurutirizga kumovwira M'bale Branham kuwêrenga tumalemba tuchokotuchoko—Munozgi.]

...tikaŵa na madandaulo pa kwambirira pa chisopo. **Ise tiri...** Tiyeni tiwone. **Ise—ise—ise tikuŵa na sumu, maukaboni, na malurombo, na vyakukhumbikwa malurombo, kwimba kwapadera, na m-a-...panyakhe kutora ichi...kuyamba uthenga pa eleveni, kufika...panji kujumphirapo, kweni tilije nyengo yikuru ya Mazgu. Wanthu wanyakhe wakuvuka ndipo wakuruta pambere iyi—iyi ndi, ndi...pambere—pambere ichi chindamare. Ichi ndi...** Chonde rongosorani kasi sumu ziŵe zilinga, ndipo kasi uthenga uyambike nyengo uli. Ndipo wanyakhe—nyengo zinyakhe ise tikuŵa na lurombo—vyakukhumbikwa kupempherereka ndipo uwu ukumalira kuŵa ungoro wa ukaboni, vinthu vinyakhe ivyo—ivyo nthā vikwenera...nthā vikuwoneka viweme pa nyengo yira.

¹⁵⁸ Sono, ine nkhugomezga ine ndalipulika ilo. Billy wakuyezga kundovwira ine apa. Pa tepi, imwe mbwenu...munyakhe mu ungoro, mu chisopo, wakutegherezga kasi ichi chikaŵa chivichi, ndi Billy wakuyezga kundovwira ine kuwêrenga ili chifukwa ili lalebeka chomene, tudikitudiki chomene, ndipo ine nangutondeka kufiska ichi. Ine ndatorapo lingaliro

lachisanisani, ichi ndi, kuti, “Kasi ise tikwenera kwimba sumu zilinga pambere tindayambe kutumikira, ndipo kasi kutumikira kuyambike nyengo uli?”

¹⁵⁹ Sono, chinthu chakudanga ine nkhukhumba kuti ndichite apa ndi kuzomera kwananga. Ndipo para ine ndananga, ine nkhukhumba kuti ndizomere “ine ndananga.” Mukuwona? Ndipo ine—ndipo ine—ine ndizomerege kwananga apa kuti “ine ndine nakhala ngati mudangiriri wa icho.” Chifukwa ichi ndine nakhala nkhopanga visopo vitali ivi na vinthu, ndicho chikapangiska mpingo mu ndondomeko iyi, wonani, cha kachitiro kantheura, kweni ichi chingawanga nthaura chara. Ndipo sono, kumbukirani, ine ndiri...Ine ndine... Nkhamuphaliraninge mose imwe, “pa Sabata usiku, usange Fumu yazomerezga, pa Sabata usiku, kuti, ine nkhuvezga kughagaŵira nyengo mautumiki ghane kufuma sono na kunthazi, usange ine ndikhalenge kusazgirapo sabata yimoza, ku pafupifupi maminiti sate panji fote para ndatalikiska chomene pa mautumiki ghane.”

¹⁶⁰ Chifukwa ine ndiri kusanga ichi, kuti chisopo icho...Ichi chikuyambika, ndipo uthenga ukuperekeka mu nkhangono; usange iwe watalikiska chomene, iwe ukuvuska ŵanthu ndipo iwo wakupulika chara ichi. Chifukwa icho ine ndakhala nkhopereka...Ine nkhamanyanga icho kufuma kale. Mukuwona? Ŵapharazgi ŵakuchita makora chomene ndi ŵeneawo ŵali nkhanira ndendende...Yesu wakaŵa Munthu wa mazgu ghachoko, wonani maupharazgi Ghakhe. Wonani maupharazgi gha Paulos. Pa Zuŵa la Pentekoste, panyakhe ukamutorera iyo maminiti fifitini, ndipo iyo wakaupereka mwankhongono...kula, chinyakhe icho—icho—icho chikatuzizga mauzima firi sauzandi ku Ufumu wa Chiuta. Wonani, nkhanira waka kurunjika pa fundo. Mukuwona?

¹⁶¹ Ndipo ine—ine ndine wakusukika. Kweni, chifukwa icho ine nkchuchitira ichi, ntha ntchifukwa chakuti ine nkchaleka kumanya, kweni ine nkhopanga matepi, wonani, ndipo matepi agha ghazamkwimbika mu nyumba kwa maora na maora. Kweni umo imwe muzamkuwonera, pa Sabata yikwiza, chifukwa icho ine nkchuchitira ichi, pa Sabata yikwiza iyi, chifukwa icho ine nkchuchitira vinthu ivi...Ine panji ningayowoya ichi sono nthena pa tepi. Chifukwa icho ine nkchuchitira ichi ndi chifukwa cha uzitu ukuru chomene pa ine wa Uthenga wa nyengo iyi, kuti ndichipereke Ichi. Sono Uthenga waperekeka, sono ine nkchutora maminiti sate panji chinyakhe ngati nthaura, pamanyuma pa chirimika chakudanga, mu maungano ghane uko mu...kulikose ine nkchuruta, na kuyezga nanga nkchuthyera koloko yane pa maminiti sate, panji ntha kujumphiska fote para ndarutirizga chomene; kuwupereka mwankhongono Uthenga ula, na kuŵachemera ku guwa usange ine...panji chirichose ine ndichitenge, panji kuchemeska

pemphero la pamzere; ndipo nthā kutora nyengo yinandi yira, chifukwa iwe ukuvuska wānthu. Ine nkhumanya icho.

¹⁶² Kwēni laŵiskani kuno. Ine nkhusachizga, mu chirimika, ise nthā tiri kuŵapo na wānthu khumi na ŵāwiri ŵakanyamuka na kufuma kuwaro, ndipo nyengo zinyakhe ine nkhuŵasunga muno maora ghaŵiri panji ghatatu. Mukuwona? Uwo mbunenesko. Chifukwa ichi chikaŵanga kupanga matepi agha gheneagho ghakuruta charu chose zingirizge, wonani. Ndipo wānthu kutali kula, iwo ŵazamkukhala maora ghanandi kupulikizganga ku Icho; ŵapharazgi, na ŵanyakhe nthēura, Germany, Switzerland, Africa, Asia, na kulikose, wonani, kupulikizganga ku Icho.

¹⁶³ Kwēni, wonani, ku kachisi, ku mpingo. . . Ndipo icho chiri makora. Usange iwe uli muno kupanganga tepi, ndipo iwe uli na tepi ya maora ghaŵiri, ŵikapo uthenga wa maora ghaŵiri pa iyi; kwēni usange iwe nthā ukupanga tepi ya chinyakhe ngati icho, nthēura udumure uthenga wako, wona, dumura uthenga wako. Ine ndimuphaliraninge imwe chifukwa, ŵalipo ŵanyakhe awo ŵakukhuta luŵiro, ŵanyakhe ŵakutaya nyengo yitali kukhuta, wonani, ngati nthēura, ndipo iwe ukwenera kuŵa wakuŵakhomweska wapakatikati pa icho.

¹⁶⁴ Ndipo sono, nyengo zinandi kuti ise tikwananga visopo vithu na ungoro wakutalikiska wa maukaboni, cheneicho ine nkhumanya ine ndiri wakususika pakuchita ichi. Ndipo imwe mukuruta para ise tikaŵanga na maungano mu misewu, ndipo mufumbe m'bale manyakhe mulara wayimirire kula, ndipo iyo wayimirirenge. . . Ndipo mumupemphe iyo wapemphere, ndipo iyo wapempherenge mulara wa msumba, na mlamuliri wa chigaŵa, na Purezidenti wa Charu, na—na waliyose ngati nthēura, na ŵaliska wose ŵawazungulira, imwe mukumanya, waliyose payekhapayekha, na Mlongosi Jones uyo wali mu chipatala, na vinthu ngati ivyo; ndipo wānthu ŵayimirira, kujumphangapo pa ungoro wa pa msewu, iwo mbwenu, kurutirira—kurutirira waka kuyendanga. Mukuwona? Iyo wakuŵavuska waka iwo. Ise tiri waka, nangauli. . .

¹⁶⁵ Wonani, chinthu cheneko sono, pemphero linu likwenera kuŵa kuudesi, linu leneko, pemphero litali. Pemphererani wose. . . Njirani mu chipinda chakuudesi, jaraniko muryango. Uko ndiko imwe mukukhumbikwa kuti mupemphere zuŵa lose, usiku wose, panji maora ghaŵiri, pempherani kwēnekula. Kwēni mkati muno, uko imwe muli na wānthu ŵakumupulikizgani, pangani pemphero linu lifupi, lachangu, pa ichi. Pangani chisopo chinu chose. . . Ndipo perekani nyengo yinu yinandi ya chisopo ku Mazgu ghara. Icho ndicho chinthu cheneko! Perekani Mazgu agho mwankhongono waka umo imwe mungachitira, wonani, perekani Mazgu ku wānthu.

¹⁶⁶ Sono, apa pali sachizgo lane. Sono, sono kumbukirani, ine ndazomera kuti ine ndiri wakwananga pa kudangirira ichi.

Kweni pamanyuma ine ndamuphalirani imwe chifukwa icho ine ndachitira ichi mwakurutirira, ine nkhopanga matepi gha maora ghaŵiri kuti ghatumizgike kusirya kwa nyanja na kulikose, gha Uthenga, imwe wonani. Kweni mpingo nthu ungetorerangako icho (uthenga pano pa kachisi) kutorera matepi agho (maora ghaŵiri) kuti gharute ku malo, wonani, na kuruta uko ngati nthaura.

¹⁶⁷ Sono, apa ndipo dongosolo linu. . . Rekani ine ndimupasani waka chiyerezgero imwe. Kasi ilo lingaŵa liweme, sachizgo? Ine ndiyowoye kuti miryango ya tchalitchi yiŵe kuti yajurika kufikira pa nyengo yakuti, rekani gulu linjire, rekani sumu ziyimbikenge. Ndipo rekani waliyose wafike kuzakasopa, nthu kuzakachezga. Ndipo nthu mungazomerezganga kucheza para mwafuma, ŵaphalireni iwo “Fumani ndipo rutaninge, nthu kuzakachezga. Usange imwe mukakhumbenge kucheza, kuli malo ghose kuwaro. Kweni iyi ndi nyumba yakusoperamo, rekani iyi yisungike yakutozgeka.” Sono, usange Mzimu wa Fumu ukuteŵeta muno, tiyeni tiwusungirire uwo Mzimu wa Fumu. Mukuwona? Ndipo—ndipo Uwu urutirirenge kukhuŵirizga. Usange imwe nthu mukuchita, imwe sungirirani waka mazgu ghane, ichi chizamkuchitika; ichi nadi chizamkuchitika. Ndipo tiyeni tisungirire ichi, ndi ntchito yithu, ndicho chifukwa ine ndirili kuno usikuuno. Kusungirira waka chinthu ichi mu ndondomeko na agha—na malango agha.

¹⁶⁸ Sono wonani, ine ndiyowoye ichi. Mwadango, pokhapokha ise tikupereka chomenechomene. . . na kuŵaphalira iwo kuti imwe mujamburenge uthenga. Mukuwona? Sono, usange M'bale Neville wali na uthenga muno uwo iyo wa. . . iyo wali na uthenga uwo iyo wakuhumba kuti ukafike ku ŵanthu, uko pa tepi, panji chinyakhe, wayowoye, “Sono, pa Sabata yikwiza usiku ise tizamkujambura tepi ya maora ghaŵiri,” tepi ya maora ghatatu, panji vichi—panji chinyakhe chirichose. “Ise tizamkupereka wa ghaŵiri-panji tepi ya maora ghatatu,” panji chirichose icho chingaŵapo, “pa Sabata yikwiza usiku.” Ndipo nthaura ŵanthu ŵakumanya. Ndipo nthaura para iwo ŵafika, yowoyani, “Sono, ise tijamburenge uthenga usikuuno. Ndipo ine ndiri na uthenga apa uwo ndi weneuwo ine nkhuumba kuti ujamburike ndipo utumizgike. Ine ndakhala. . . Ine nkhuwona kurongozgeka kutumizga uthenga uwo. Ndipo uwo ujambulikenge, uwo panji ungaŵa wa maora ghaŵiri, maora ghatatu, panji chirichose icho chiriko.” Yowoyani icho.

¹⁶⁹ Kweni, mwadango, ngati ndiumo ine nkhuuchitira para ine nkhuuruta ku malo ngati ghamoza gha igho maungano gha Ŵanthu Ŵamalonda, panji ine ndafumapo ndiri ku maungano ghane uko ku mzere wa pemphero. Usange ine nkhuymirirenge kula na kupereka uthenga wa maora ghatatu mu usiku pambere tindachite chisopo cha machirisko, imwe mukuwona uko ichi chikundiŵika ine? Mukuwona? Chifukwa,

ŵanthu, usiku wakurondezgako gulu lako ndi hafu wa umo ili likaŵira. Mukuwona? Chifukwa iwo ŵangachita chara ichi, iwo ŵakwenera kuti ŵarute ku ntchito na chinyakhe chirichose.

¹⁷⁰ Ine nisachizge ichi, kuti mwadango... Sono, ine nkhamuwona M'bale Neville usiku wamara para iyo wakati wapharazga. Sono, ine nkhumanya kuti ula ukaŵa uthenga wakuzukumiska. Ine nkhatora manotisi gha iyo, ndiri nagho pano mu thumba lane, kuti ndigwiriske ntchito ichi mu mauthenga ghanyakhe gha ndamwene. Uwo mbunenesko. *Nthowa ya Kupulumukira*, wonani, ndipo ula ukaŵa uthenga uweme. Imwe mukuwona umo iyo wakamalizgira ula mwaluŵiro? Wonani, pafupifupi maminiti sate-fayivi, wonani, ndipo iyo—ndipo iyo wakaŵa kuti wamalizga. Mukuwona? Sono, chira chikaŵa chiweme. Sono, ndipo M'bale Neville, nyengo zinandi mauthenga ghakhe ghakuŵa nthaura. Wonani, uwu ntha ngutali chomene. Mukuwona? Kweni apo imwe mukunangira ungano winu ndi vinthu vyose vira vyakupenjeramo pambere imwe mundafike ku ichi. Mukuwona?

¹⁷¹ Sono, ndipo—ndipo kula imwe mukuchita icho... Sono, ine nkhumanya, ndipo sono wonani, ine—ine ntha nkhuwoyoya icho mwakuleka kupereka ntchindi, imwe mathrastii, panji madikoni, panji—panji mliska, kweni ine nkhumuphalirani waka imwe: wonani icho ndi Unenesko, ndipo ichi ndimo chikwenera kukhalira. Sono, imwe... Kasi chikuchita vichi? Sono, waliyose, imwe mose, ŵachisungusungu, mwanarumi waliyose wa imwe ngwachisungusungu. Usange ichi ntha chikaŵenge nthaura, ine nthena nanguti, “Mose kupatulako M'bale *Wakuti-na-wakuti*, iyo ntha ngwa chisungusungu, ise tose tikumupempherera iyo.” Kweni iwe—iwe wachisungusungu, ndipo iwe ndiwe ŵakuzizipizga, ŵakujikora, munthu wakufwasa nthena. Icho ntchiweme, kweni ntha ungawoneskanga ngati mwanakazi pa icho.

¹⁷² Yesu wakaŵa wachisungusungu, nayoso, kweni para yafika nyengo yakuti wayowoye vinthu, “Kuli kulembeka, ‘Nyumba ya Ŵadada Ŵane yiri kupangika kuŵa nyumba yakusoperamo,’ ndipo imwe mukuyizgora iyi kuŵa malo gha ŵankhungu.” Mukuwona? Wonani, Iyo—Iyo wakamanya apo wangayowoya na apo wangayowoya chara. Icho ndicho—icho ndicho—icho ndicho ise tikwenera kuchita. Mukuwona? Ntha wakaŵako, ntha wakaŵako munthu ngati Yesu, Iyo wakaŵa Chiuta. Ndipo kumbukirani, Iyo nanga... Mukuyowoya za kuŵa dikoni mu tchalitchi, Iyo—Iyo wakatora ulamuliro! Iyo wakaruka mikusa yinyakhe pamoza, ndipo Iyo ntha wakalindizga kuti waŵafumiskire iwo kuwaro mwaulemu, Iyo wakaŵachotoposkera kuwaro, wonani, ngati nyumba ya Chiuta. Ndipo Iyo wakachitanga ntchito ya dikoni, kuŵa chiyerezgero kwa *imwe* madikoni. Wonani, Iyo wakaŵa Chiyerezgero chinu. “Ndipo sono, ichi ndi—ichi chiri kulembeka,

‘Nyumba ya Wadada Wane yiri kupangikira kuwa nyumba yakusoperamo.’” Sono, kumbukirani, Yesu wakaŵa Dikoni apo, imwe mukumanya icho, Yesu wakachitanga ntchito ya dikoni.

¹⁷³ Para Iyo wakafika ku ntchito ya mliska, kasi Iyo wakayowoya vichi? “Imwe ŵaFarisi wachiburumutira, ŵarongozgi ŵa wachiburumutira!” Wonani, Iyo wakatoranga ntchito ya mliska, pamanyuma.

¹⁷⁴ Ndipo para Iyo wakaŵaphalira iwo icho chikati chichitikenge, Iyo wakatora ntchito ya muprofeti. Mukuwona?

¹⁷⁵ Ndipo para iwo ŵakafumba kuti msonkho ukayenera kuti uperekeke, Iyo wakatora ntchito ya thrastii, “Petros, ruta kusika ndipo ukaponye mbeja mu mronga, ndipo somba yakudanga yeneiyo iwe wamkukora yiri na kopala mu mlomo wakhe. Ukaŵalipire iwo, wona, lipira ngongole zako.” Wakayowoya, kwa ise, “Perekani kwa Kesare ivyo nvywa Kesare, Vya Chiuta kwa Chiuta.”

¹⁷⁶ Iyo wakaŵa vyose Mliska, Muprofeti, Thrastii, na Dikoni. Nadi wakaŵa! Ntheura pamanyuma imwe wonani icho Iyo wakachita, rekani icho chiŵe chiyerezgero chinu mu nyumba muno pa Branham Tabernacle, kuti ise tikukhumba kuti yiŵe nyumba mwenemumo Iyo wachindikikirengemo na chirichose, ofesi yiriyose, malo ghalighose, mwakuti paleke kuwa kulekerera. Kuŵeko kujikora, na uweme, na chisungusungu, kweni kurunjika waka pa mzere, munthu waliyose pa malo ghakhe gha ntchito. Mukuwona? Umo ndimo, umo ndimo Iyo wakukhumbira ichi chikhalirenge. Iyo nthu wakasuskika. Para yafika nyengo yakuti wayowoye, kuzunura *kasi* chikaŵa *chivichi*, Iyo wakachizunura ichi. Para yafika nyengo yakuti warongore kujikora, ntheura Iyo wakarongora kujikora. Iyo wakaŵa muweme, wachisungusungu, wakupulikiska; kweni wachikanga, ndipo chirichose chikaŵa nkhanira chakurunjika na Iyo, ndipo Iyo wakachita icho kuwa chiyerezgero chinu. Sono, Mzimu Mutuŵa wandipasa waka ine icho. Ntheura ine nthu nkhanghanaghanapo za icho, Iyo pakuŵa Dikoni, kale, kweni Iyo wakaŵa. Mukuwona? Iyo—Iyo wakachita ngati dikoni, kale.

¹⁷⁷ Sono, ine ndiyowoye ichi, mwachiyerezgero usange visopo vinu vikuyamba pa seveni-sate, usange nyengo ndi iyo, jurani tchalitchi linu mwakucherera na hafu wa ora, seveni koloko. Rekani wa piyano...Muphalirani wa chitoliro...Kasi imwe mukumulipira iyo? Imwe mose mukumulipira wa chitoliro? Kasi iyo wakulipirika, panji wa piyano? Iyo wakuchita mwakukhumba kwaulere? Mufumbani iyo mwakujikora. Nanga ndi kuti iyo wakukhumba kuti walipirike pa ichi, kuti mumupe chinyakhe iyo pa ichi, muphalirani iyo ise tikumukhumba iyo hafu ora pambere chisopo chindayambe. Ndipo usange iyo wakuti, “Yayi, ine ningachita chara ichi,” panji chinyakhe, dandaulo, mbwenu mutorani waka iyo

wafike kuno ndipo wapange tepi ya sumu zinyakhe ziweme na chitoliro. Imwe mukuwona? Ndipo rekani. . . wikanipo iyo pa. . . Ntha wangaŵanga kuno nyengo yiriyose, tcherani tepi yinu. Mukuwona? Rekani yumoza wa madikoni, thrastii, panji waliyose uyo wakujura muryango, mupwerereri, wayiŵikepo iyi apo, tepi yiyimbenge, ndipo rekani iyi yiyimbenge apo ŵanthu ŵakwiza. Mukuwona? Chifukwa usange madikoni ntha ghaliko kuno, panji munyakhe, rekani, thrastii panji munyakhe waŵe muno kuti wachite ichi, ntheura ŵarekani iwo ŵayilizge iyi hafu ora.

¹⁷⁸ Kweni ndendende seveni-sate, rekani belu yura warizgike pachanya pa nyumba. Mukuwona? Imwe muchali nayo belu winu kuwaro uko? Inya. Viri makora, rekani belu winu warizgike pa seveni-sate, ndipo icho chikung'anamura kuti ise ntha tiyendengeyendenge uku na uko pa tchalitchi na kukorana chasa na ŵa Joneses na wose iwo. Rekani mrongozgi wa sumu waŵe pa ntchito! Usange kulije mrongozgi wa sumu kula, rekani madikoni ghawoneseske kuti kula. . . panji. . . woneseskani kuti walipo munyakhe kuti wayambe kurongozga sumu para belu yura wayamba kulira. "Jurani buku linu la sumu, nambala *yakuti-na-yakuti*." Mukuwona? Rekani ichi chichitike nkhanira pa nyengo pa—pa seveni-sate.

¹⁷⁹ Viri makora, pamanyuma muŵe na sumu ya mpingo, ndipo panyakhe sumu yachiŵiri ya mpingo, ndipo pamanyuma muŵe na munyakhe wakumanyiskikirathu, usange imwe mungafiska, kuti warongozge mu pemphero. Rekani a—mliska, panji, waliyose. . . Inya, mliska ntha wangaŵangapo apo, a—mrongozgi sumu wakwenera kuti wachite icho. Ndi M⁷bale Capps, ine nkhuhanaghana. Wonani, iyo wamanyenge chakuti wachite, rekani—rekani iyo wafumbe munyakhe wayowoye. . . panji warongozge mu pemphero iyomwene. Fumbani gulu liyimirire mu kuromba, wonani, yimirani waka, ndipo rekani munyakhe warongozge mu kuromba. Sono, usange imwe mukukhala tcheru chara. . .

¹⁸⁰ Sono, ise tikugomezga kuti waliyose wakwenera kuti wafike ku nyumba ya Chiuta na kuzakasopa, agho ndi—agho ndi malo gha kusoperamo. Kweni para imwe muli mu nyumba yakusoperamo yira, gwiriskani ntchito makora nyengo yinu. Mukuwona? Imwe mukuŵachemera wose ku guwa, imwe musangenge kuti waŵengepo munyakhe wakhalirenge penepapo maminiti fifitini, twente; nyengo yinu yose yikumara.

¹⁸¹ Iyo ndi yinu, wonani, kupemphera kwinu kuchitikire ku nyumba. Yesu wakati, "Para imwe mukuromba, rekani kwimirira ngati ndiumo ŵapusikizgi ŵakuchitira, ndipo—ndipo nyengo yitali. . . kupanga lurombo litali, na kuyowoya *ichi, icho*, panji *chinyakhe*, na—na vyose ngati ntheura kujiwoneskanga." Mukuwona? Iyo wakati, "Para imwe mukuromba. . . rombani, njirani mu chipinda, chipinda chakubisika, jarani muryango

kunyuma kwinu; rombani kwa Wiskemwe uyo wakulaŵiska kuudesi, Iyo wamupaninge njombe pakweru.” Sono, iyo ndiyo nthowa ya kuŵira na lurombo la kuudesi, icho ndicho Iyo wakati chitani.

¹⁸² Kweni para imwe, munyakhe, para iwo ŵafika, rekani mrongozgi wa sumu, wayowoye, “Viri makora . . .” Para sumu yakudanga yamara, nthoura rekani munyakhe wapemphere, waliyose kwali ndinjani, pemphero waka lifupi. Ntha mungayimiranga na kurombera ŵalamuliri wose, na ŵanyakhe nthoura ngati awo. Usange viriko vyakukhumba kupempherereka, rekani ichi chimanyikwe, rekani ichi chirongosoreke, muŵafumbe iwo ŵarongosore ivi. Lembani ichi, yowoyani, “Apa.” “Mu usikuuno, mu kuromba, ise tikukumbukira Mlongosi *Wakuti-na-wakuti*, M’bale *Wakuti-na-wakuti* mu chipatala, *Wakuti-na-wakuti*, na *Wakuti-na-wakuti*, na *Wakuti-na-wakuti*. Ŵakumbukirani iwo mu malurombo ghinu apo imwe mukuromba. M’bale Jones, uli iwe utirongozge ise mu kuromba. Tiyeni tiyimirire.” Mukuwona? Rekani ichi chiŵikike pa gome. Ŵaphalirani iwo, rekani iwo ŵachizgoŵere icho, “Usange imwe muli na chakukhumba kupempherereka, ŵikani ichi *apa*, [M’bale Branham wakutimba pa gome—Munozgi.] pachanya *apa*.” Ntha mungayowoyanga, “Kasi ndinjani wali na chakupempha sono, kasi iwe ungazomerezga ichi chimanyikwe . . .” Ndipo nthoura, chinthu chakudanga, munyakhe wakunyamuka ndipo wakuti, “Uchindami kwa Chiuta!” Imwe mukumanya, ndipo wakuyambapo ngati nthoura, ndipo chinthu chakudanga imwe mukumanya, ndi hafu ora pambere iwo ŵandakhale pasi nyengo zinyakhe. Mukuwona?

¹⁸³ Ise tiri na ntchito pa mpingo uwu, yinyakhe chara; iyi ndi ntchito yithu kwa Chiuta. Maofesi agha ndi ntchito yinu kwa Chiuta. Mukuwona? Chifukwa icho ine nkhuoyowoyera apa usikuuno, kumuphalirani imwe vyose ivi, ntchifukwa chakuti ndi ntchito yane kwa Chiuta; ndi ntchito yinu: Chitani ichi. Mukuwona?

¹⁸⁴ Sono, ndipo para chinyakhe ngati icho . . . rekani munyakhe warongozge mu kuromba, ndipo para iwo ŵakuchita, icho ntchiweme, ŵalekani iwo ŵarongozge mu kuromba, pamanyuma mukhale pasi.

¹⁸⁵ Ndipo usange imwe muli na chapadera . . . Sono, ine ntha ndiyowoyenge ichi, ine ningarondezga chara . . . Ndipo usange munyakhe wakukhumba kuti wayimbepo yapadera, regezani ichi mu tchalitchi. Ŵaphalirani iwo kuti “Zilipo zapadera, panji yiriyose iyo yikukhumbikwa kuti yiyimbike, ŵarekani iwo ŵakumane na mrongozgi wa sumu pambere chisopo chindayambe.” Ndipo muchitore ichi . . . Yowoyani, “Inya, phepa m’bale, ine nkukhumba . . . nadi nkukhumba kuti ndichite ichi, kweni ine—ine ndiri na yane yapadera usikuuno. Panyakhe

usange iwe ukundiphalira ine kuti iwe uzamkuŵa kuno usiku unyakhe, ine ndizamkukuŵikira iyi pa mndandanda. Wonani, ine ndiri na ndondomeko yane ndayilemba apa.”

¹⁸⁶ Rekani—rekani M’bale Capps panji waliyose uyo wakurongozga sumu. . . Ndipo muŵe na mrongozgi wa sumu, kwali iyo ndinjani. Ndipo ntha mungazomerezganga iwo kuyimirira na kuti, panji kuchita ngati kuti iwo ndi ŵapharazgi, wonani. Rekani iwo ŵayimirire uko na kurongozga sumu, iyo ndiyo ntchito yawo.

¹⁸⁷ Ndi ntchito ya mliska kupharazga, wonani, ntha kurongozga sumu. Iyo ntha wangarongozganganga sumu, mrongozgi wa sumu warongozge sumu. Iyo wali nayo ntchito, ndipo wakwenera kwiza wankhongono mu kuzozga kwa Mzimu Mutuŵa, kufuma mu ofesi umu, kumalo kunyakhe, para nyengo yakwana. Iyo ntha wakwenera kuŵa nanga mpha gome, ichi chikuchitika. Rekani iyo wakhale mu ofesi kunyuma uko, wonani, panji kunyuma mkati muno, panji kuliko kungaŵako, ndipo wamanyiskike na vyakuyeghera saundi, wonani, para nyengo yakwana. Para iyo wakupulika yaumaliro yira. . . usange yiripo yapadera, ngati kwimba kwa yumoza, ŵaŵiri, panji chinyakhe, sumu yinu yachitatu. Mukuwona?

¹⁸⁸ Kuti imwe mwanguŵapo na sumu ziŵiri pa gulu, pemphero, chawanangwa chinu usange imwe mutorengi ichi. Ndipo rekani munthu waliyose waŵe pa malo ghakhe gha ntchito. Yowoyani, “Viri makora, apo ise tikwimba sumu yaumaliro iyi, sono, usange ŵakovwira ŵangachita, rekani iwo ŵafike kunthazi ŵatorere chawanangwa chakumise.” Mukuwona? Ndipo apo iwo ŵakumalizga kwimba sumu yira, apa pali ŵakovwira ŵayimirira apa. Yowoyani, “Viri makora, sono ise tiŵenge na pemphero, ndipo mu kupereka pemphero, ise tikukhumba kuti tikumbukire *Wakuti-na-wakuti* muno, na *Wakuti-na-wakuti*,” waŵazge icho, imwe mukumanya, ngati nthaura, ngati nthaura. “Viri makora, waliyose wayimirire. M’bale, kasi iwe ungatirongozga ise mu kuromba?” Pamanyuma mbwenu mwamarizga.

¹⁸⁹ Ntheura para iwo ŵakwimba sumu yachiŵiri iyi, panji yiriyose imwe mukwimba, imwe, usange mwakhumba, kuti mutore chawanangwa chinu, usange imwe mutorengi chawanangwa chinu. Yilekani iyi. . . Ine nditore sumu yinu yakudanga, ndipo pamanyuma kuŵa na chawanangwa chinu chakumise, ndipo pamanyuma rutirirani na sumu yinu yachiŵiri, ndipo nthaura kurutirizga ichi. Ntheura torani sumu yinu yaumaliro apa, torani sumu yinu yaumaliro, wonani, yiŵe yakumuchemera mliska. Ndipo para nyimbo yaumaliro yira yayimbika, rekani chitoliro chiyambe na yinu—yinu—yakudangirira yinu, mliska winu wakwiza. Wonani, chirichose mu dongosolo. Waliyose wali chete. Paliŵe chinyakheso chakuti

chiyowoyeke. Dikoni waliyose wali pa malo ghakhe gha ntchito. Mliska wayimirira apo.

¹⁹⁰ Wakwiza, wakutauzga gulu lakhe, wakutora Buku lakhe ndipo wakuti, “Usikuuno, ise tikuwazga kufuma mu Baibolo.” Wonani, pamanyuma pakuti iyo wanozgekera, “Ise tikuwazga kufuma mu Baibolo.” Ndipo ndi chinthu chiweme nyengo zinyakhe usange iwe ukuti, “Mu kupereka ntchindi ku Mazgu gha Chiuta, tiyeni tiyimirire pa marundi ghithu apo ise tikuwazga Mazgu.” Wonani, ntheura wêrengani, “Usikuuno, ine nkhuwêrenga kufuma mu Buku la Masalmo,” panji lililose lingawako. Panji torani munthu munyakhe wawêrengenge ichi, mrongozgi wa sumu, panji wachiwiri, munyakhe kula pamoza na iwe, rekani iyo wawêrengenge ichi, waliyose; kweni ichi chingawa chiweme chomene usange ungawêrenga ichi iwewekha, usange iwe ungafiska. Ntheura wêrengani ichi ngati ntheura, ntheura torapo makani ghako. Mukuwona? Mu nyengo yose iyo, imwe mwagwiriska ntchito pafupifupi maminiti sate, iyi ntheura yiri pafupifupi eyiti koloko.

¹⁹¹ Ndipo kufuma eyiti kufika pafupifupi kota tu nayini, pamalo panyakhe pakatikati pa maminiti sate na sate-fayivi, khazikapo Mazgu apo umo Mzimu Mutuwa waperekera ichi kwa iwe, wonani, ngati waka ntheura, khazikapo waka igho nkhanira mwenemumo umo Iyo wakuyowoyera chita ichi, wonani, pasi pa kuzozga.

¹⁹² Pamanyuma wachemerani ku guwa, yowoyani, “Usange munyakhe muno uyo wakukhumba kuti wamuzomere Khristu ngati Muponoski, ise tikumufumbani imwe, kumuchemerani imwe ku guwa sono nthena, yimirirani waka pa marundi ghinu.” Mukuwona?

¹⁹³ Ndipo usange—ndipo usange paliye munyakhe wayimirira, yowoyani, “Kasi walipo munyakhe muno wanozgekera ubapatizo, uyo warapa kale, ndipo wakukhumba kuti wabapatizike mu maji kuti zakwananga zakhe zigowokereke? Usange iwo wakukhumba kuti wafike, ise tikumupasani imwe mwaŵi sono. Kasi imwe mungiza apo chitoliro chichali kwimba?” Imwe mukuwona?

¹⁹⁴ Kulije wakwiza, ntheura yowoyani, “Kasi walimo munyakhe muno uyo wakukhumba. . . uyo nthu wali kupokera Ubapatizo wa Mzimu Mutuwa ndipo wangakhumba kuchita ntheura usikuuno, wangakhumba kuti ise timurombere iyo?” Inya, panji munyakhe mbwenu wayimirira, ntheura rekani wawiri panji watatu wawike mawoko pa iwo, kuwarombera iwo. Watumizgani iwo nkhanira kunyuma mu chimoza cha vipinda vira, munyakhe mwenemula pamoza na iwo, wawanjirikizge iwo kumalo kunyakhe umo iwo wangathaskikira na ubapatizo wa Mzimu Mutuwa. Gulu lose liri kutali na iwo.

195 Usange munyakhe wakwiza kuzakaŵa . . . wakukhumba kuti wamuzomere Khristu ndipo wayimirira apo pa guwa kuti wapempherereke, pangani linu . . . rekani iwo ŵapemphere. Ndipo para iwo ŵachita, yowoyani waka, “Sindamiskani mitu yinu sono, ise tipempherenge.” Ndipo yowoyani, “Kasi imwe mukugomezga?”

196 Usange kanthu kanyakhe kachoko kangamanya kuchedweska gulu mu nthowa yiriyose, ŵatumizgani iwo nkhanira mu chipinda cha kupemphereramo, ndipo rutani mwenemula na iwo, panji tumizgani munyakhe mwenemula na iwo. Ndipo rekani gulu lirutirire waka, wonani, ngati nthoura, iwe nthandaŵachedweske iwo pa chirichose nthoura. Mukuwona?

197 Ndipo nthoura para . . . pambere . . . Mu a—mu ghachoko . . . nthoura usange iwo, mwachiyerezgero, usange paliye waliyose wakunyamuka, nthoura yowoyani, “Kasi walipo munyakhe uyo wakukhumba kuti wazozgeke na mafuta usikuuno, chifukwa cha urwari wawo? Ise tikurombera ŵarwari muno.”

198 “Inya, ine nkukhumba kuti ndikumane namwe pamwekha, M’bale Neville.”

“Inya, iwe ukumane nane mu ofesi. Kumana na yumoza wa madikoni, iwo ŵachitenge ichi, wonani.” “Ndipo ine ndiri na chinyakhe icho ine nkukhumba kuti ndiyowoye kwa iwe, M’bale.”

“Inya, yumoza wa madikoni muno wakuperekezege iwe ku ofesi, ndipo ise . . . Ine ndikumanege nawe malinga chisopo chamara waka.”

199 “Sono, apo ise tikwimirira sono kuti tifume.” Wonani, ndipo imwe nthandaŵajumphiske pafupifupi ora na maminiti fote-fayivi mu chinthu chose. Mukuwona? Wonani, ora na maminiti sate, chisopo chinu chamara. Imwe mwanguŵa na uchoko, kuwupereka mwachangu; imwe—imwe perekani icho uwo wachita; imwe mwachita . . . ndipo waliyose wakhorwa, ndipo wakuruta kunyumba wakupulika makora. Mukuwona? Usange imwe nthanda, nthoura, imwe wonani, usange imwe mukuzomerezga . . . Wonani, imwe—imwe—imwe mukuchita makora, wonani, kweni wonani . . .

200 Imwe mukumanya, ichi ndi pafupifupi virimika sate-firi pa gome ili kwa ine, virimika sate-firi, na charu zingirizge. Iwe ukusambira chinyakhe chichoko mu nyengo yikuru yantheura, nadi. Mukuwona? Usange iwe watondeka, ntchiweme iwe uleke. Ntheura pamanyuma, wonani, ine ndiri kusanga ichi. Sono, usange iwe ukuchita na Watuŵa pera pamoza, ŵanthu, iwe ungamanya kutchezera usiku wose usange iwe ungakhumba. Kweni iwe . . . Wonani, iwe nthanda ukuchita na iwo ndendende, iwe ukuyezga kukopa aŵa ŵali kuwaro uku. Apa pali ŵeneawo iwe ukukopa, iwe ukwenera kukatumikira ku malo kwawo.

Mukuwona? Ndipo ntha... Muwachemere kuno ndipo rekani Mazgu ghafike, ndipo pamanyuma, wonani, palije chirichose chakuti chingadandauliska. Usange chiripo chinyakhe iwo wakukhumba kuti wakumanirane nawe, inya, ntchiweme, waperekezgani iwo nkhanira ku ofesi ngati ntheura, kweni ntha mungachedweskanga gulu.

²⁰¹ Ntheura, imwe mukumanya, wanthu wanyamukenge ndipo wayowoyenge, “Inya, ine nkhumuphalirani imwe, tiyeni tiwe na ungoro uweme wa maukaboni.” Mukuwona? Ine ntha nkhang’anamura kusuka kulikose pa ichi, ine nkhang’anamura waka kumuphalirani imwe Unesko. Ine nkhang’anamura kumuphalirani imwe Unesko. Mukuwona? Ine ndiri kusanga maungano gha maukaboni kuwa chomene... igho—igho ghakuchita uheni ukuru chomene nyengo zinyakhe kuruska uweme. Wonani, nadi igho ghakuchita.

²⁰² Sono, usange munyakhe wangaŵa na ukaboni wa kuchenuska chomene mu nyengo ya chisisimuso, imwe mukumanya, imwe muli na chisisimuso chikuchitika, imwe mukumanya, ungoro, ndipo munyakhe waponoskeka waka ndipo wakukhumba kuti wayowoyepo mazgu, inya, watumbike Chiuta, murekani iyo wakhutire uzima wakhe. Imwe mukuwona? Usange iyo—usange iyo wakukhumba kuti—usange iyo wakukhumba kuchita icho, wonani, nkhanira mu nyengo ya chisisimuso, wayowoye, “Ine nkukhumba kuti ndiyowoyepo waka, ‘Kuwonga Fumu pa icho Iyo wandichitira ine.’ Iyo wakandiponoska ine sabata yamara, ndipo mtima wane ukugolera na uchindami wa Chiuta. Viwongo virute kwa Chiuta,” wakukhala pasi. Amen! Icho ntchiweme, kurutiriranga. Wonani, icho chiri makora.

²⁰³ Kweni para imwe mukuti, “Sono zanginge. Kasi munyakhe ndinjani? Kasi munyakhe ndinjani? Sono tiyeni ise tipulike mazgu, tiyeni ise tipulike Mazgu gha ukaboni.” Sono, usange imwe mwanozga kuwa na ungoro, usiku unyakhe wa icho, wonani, imwe muchitenge: “Usikuuno... Chitatu chikwiza usiku, m’malo mwa ungoro wa mapemphero, uwo uzamkuwa ungoro wa maukaboni. Ise tikukhumba kuti waliyose wafike, ndipo uwo uzamkuwa ungoro wa maukaboni.” Ndipo ntheura para iwo wafika ku—ku malo kuti wapereke ukaboni, werengani Mazgu, muwe na lurombo, ndipo pamanyuma yowoyani, “Sono, ise talengeza uwo ndi usiku wa maukaboni.” Ntheura rekani wanthu wachite ukaboni ora lira panji maminiti fote-fayivi, panji maminiti sate, panji yiriyose iyo yingawako, ndipo pamanyuma—pamanyuma rutirizgani ngati ntheura. Mukuwona icho ine nkhang’anamura? Ndipo ine nkughanaghana kuti ichi chivwirenge gulu linu, ichi chivwirenge chirichose, pamoza, usange imwe mukuchita icho munthowa icho.

²⁰⁴ Sono, ichi ndi... Ine nkufika ku umaliro, ntheura... Wabale—wabale, ivi ndi kumanya kwane kwapachanya

chomene. Ine nkhuwona icho chiri pa mtima winu, ichi ndi kumanya kwane kwapachanya chomene mukazgorero ka mafumbo agho imwe mwandifumba. Sono, kufuma sono na kunthazi imwe mwamanya. Ndipo usange ichi chiri mu malingaliro ghinu, pulikizgani tepi. Fumbani icho... Tegherezgani ku tepi. Usange ichi ndi madikoni, mathrastii, panji waliyose wangaŵako, rekani tepi yijurike. Rekani iyi yijurikire ku gulu uko usange iwo ŵakukhumba kuti ŵayipulike iyi. Viri makora. Ndipo icho ndi—icho ndi kumanya kwane kwapachanya chomene ku khumbo la Chiuta pa kachisi uyu apa pa Eighth Penn Street, ndipo umu ndimo ine nkhumutumirani imwe ŵabale kuti muchite ichi pasi pa urongozgi wa Mzimu Mutuŵa, na chisungusungu chose na chitemwa, kurongoranga uchizi winu panthazi pa ŵanthu kuti imwe ndimwe Ŵakhristu. Ndipo *Mukhristu* ntha chikung'anamura bonda uyo wangamanya kung'anuzgikira kulikose, icho chikung'anamura “munthu uyo ngwakuzura na chitemwa, kweni ndipouli, wakuzura waka na chitemwa pa Chiuta umu iyo waliri ku gulu.” Mukuwona icho ine nkhung'anamura?


²⁰⁵ Kasi liripo fumbo? Tepi yiri pafupi kumara apa, ndipo ine ndiri na munyakhe wakulindizga ine kumtunda uko. Kasi iyo wanguyenera kuŵa kula nyengo uli? [Billy Paul wakuzgora, “Sono nthena.”—Munozgi.] Sono nthena. Iyo wafikenge pa iyoyekha? [Billy Paul wakuzgora, “Ine ndirutenge kukamutora iyo.”] Viri makora. Viri makora, bwana.

²⁰⁶ Sono, ine nkhumanya kuti ise tifumenge kuwaro sono usange ntha pali—ntha pali lizgu linyakhe lirilose. Nhu? Sono, usange palije, tiyeni tifume. Inya. Ntheura, M'bale Collins? [M'bale Collins wakuti, “Chingaŵa chiweme usange matepi ghangajarika.”—Munozgi.] Viri makora. [Pa tepi palije mazgu.]

²⁰⁷ Inya, ŵabale, ine ndawonga kuŵa kuno pamoza na imwe usikuuno, na M'bale Neville, na ku madikoni, na mathrastii, na mulara wa Sande sukulu, mose imwe. Ise tikugomezga kuti Fumu yimovwiraninge imwe sono kuti muchitirenge marango agha ku Ufumu wa Chiuta. Chifukwa icho ine ndayowoyera ichi ndi chifukwa chakuti ine nkughanaghana kuti imwe mwakura kufuma ku wanichi kufika ku ulara. Para imwe mukaŵa mwanichi, imwe mukayowoya ngati mwanichi, ndipo imwe mukapulikiska ngati mwanichi. Kweni sono imwe ndimwe mulara, ntheura tiyeni tichite ngati ŵalara mu nyumba ya Chiuta, kujikoranga taŵene, na kuchindikanga maofesi ghithu, na kuchindikanga ofesi yiriyose. Chawanangwa chirichose icho Fumu yiri kutipa ise, tiyeni tichiŵike ichi mu dongosolo, ndipo timuchindike Chiuta na vyawanangwa vithu na maofesi ghithu.

Tiyeni ise tipemphere.

²⁰⁸ Ŵadada Ŵakuchanya, ise tikumuwongani Imwe usikuuno chifukwa cha kukumana uku pamoza kwa ŵanthu awo ŵali

kuw̄ikika mu maudindo muno kuti w̄achite ntchito ya Fumu yeneiyo yikuchitika muno mu Jeffersonville mu mpingo uwu. Chiuta, nkhuromba kuti woko Linu liw̄e pa iwo, nkhuromba kuti Imwe muw̄avwire iwo na kuw̄atumbika iwo. Nkhuromba gulu na w̄anthu w̄apulikiske na kumanya kuti ichi ntchakuti tinozgekere Ufumu wa Chiuta, mwakuti ise tingazgoka w̄anthu w̄akupulikiska na kuwumanya Mzimu wa Chiuta, na kumanya chakuti tichite. Perekani ichi, Wadada. Tifumiskani ise sono na vitumbiko Vyinū, ndipo nkhuromba Mzimu Mutuw̄a utilindirirenge ise na kutirongozga ise, na kutivikirira ise, ndipo nkhuromba kuti ise nyengozose tisangikenge w̄akugomezgeka pa malo gha ntchito. Mu Zina la Yesu Khristu, ine nkhuromba. Amen. 

63-1226 Dongosolo La Mpingo
Branham Tabernacle
Jeffersonville, Indiana U.S.A.

CHITUMBUKA

©2016 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempsheskerera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org